

ԳԵՂԱՄԱ

25 հունիս

Քաղաքական, հասարակական, մշակութային թերթ 25 հունիսի 2025թ. թիվ 13 (617)

ԲԱՑՎԵՑ ԵՎ ՎԵՐԱԾՎԵՑ ԱՆՈՒՆԻ ԳՅՈՒՂԻ ՍՈՒՐԲ ՄԵՍՐՈՂ ԵԿԵՂԵՑԻՆ

Գեղարքունիքի մարզի Վարդենիս համայնքի Ակունք գյուղում, ձեռամբ Հայ Առաքելական եկեղեցու Գեղարքունյաց թեմի առաջնորդ Տեր Պարթև եպիսկոպոս Բարսեղյանի եւ աղոթակցությամբ թեմի հոգեւոր դասի, վերածովեց եւ բացվեց Սուրբ Մեսրոպ եկեղեցին:

Եկեղեցու վերածնունդն եւ բացման արարողությանը մասնակցեցին Գեղարքունիքի մարզպետ Կարեն Սարգսյանը, ՀՀ ՋՈՒ բանակային երկրորդ կորպուսի հրամանատար Գարեգին Պողոսյանը, Վարդենիս համայնքի ղեկավար Ահարոն Խաչատրյանը, Գեղարքունիքի մարզպետի եւ Վարդենիսի համայնքապետարանի աշխատակազմի ներկայացուցիչներ, Վարդենիս համայնքի բնակավայրերի վարչական ղեկավարներ, պաշտոնական այլ անձինք, Ակունքի եւ հարակից բնակավայրերի բնակիչներ:

Վերածնունդն արարողությունից հետո Ակունքից հեռվի վրա գտնվող Սուրբ Մեսրոպ եկեղեցու հիմքերը հեղեցին Գեղարքունյաց թեմի առաջնորդ Տեր Պարթև եպիսկոպոս Բարսեղյանը, Գեղարքունիքի մարզպետ Կարեն Սարգսյանը,



Վարդենիս համայնքի ղեկավար Ահարոն Խաչատրյանը՝ միաժամանակ իրենց երախտագիտությունը հայտնելով եկեղեցու վերակառուցման ու վերա-

կանգնման հովանավոր ակունքցիներին:

Ակունքի Սուրբ Մեսրոպ եկեղեցին կառուցվել է 15-17-րդ դարերի ընթացքում, գործել է մինչև 1930-ական թվականները: Խորհրդային տարիներին այն վերածվել է կոլտոգի պահեստի, ապա ժամանակի ընթացքում դարձել լքված շինություն:

Շուրջ ինը տասնամյակ անց, շնորհիվ Ակունքի վարչական ղեկավար Նիկոլա Խաչատրյանի, համայնքի նախկին ղեկավար Արծրուն Դարիբյանի կազմակերպչական ջանքերի, Արթուր եւ Արա Թադևոսյան եղբայրների, մյուս ակունքցիների ներդրած միջոցների, կրկին ղողանքեցին նորակառույց զանգակատան զանգերը: Կատարվեց նաեւ կնուների եւ մատաղի արարողություն:

Հոգեւոր երգերի կատարմամբ հանդես եկան Վարդենիսի Սուրբ Աստվածածին եկեղեցու երգչախմբի սաները:

Գեղարքունյաց թեմի առաջնորդի հավաստմամբ Ակունքի Սուրբ Մեսրոպ վերածոված եկեղեցին դարձավ 35-րդ հավատի տունը, որը Հայաստանի Հանրապետության անկախացումից ի վեր Գեղարքունյաց թեմում հավատավորների առջեւ բացեց իր դռները:

Խոսքով Խաչատրյան

ԳԱՎԱՌՈՒՄ ԱՆՑԿԱՑՎԵՑ ԱՐՇԵՍՏՆԵՐԻ ՓԱՌԱՏՈՒ



ՀՀ կրթության, գիտության, մշակույթի եւ սպորտի նախարարության աջակցությամբ անցկացվող «Արհեստների միջազգային փառատոնը», որը յուրաքանչյուր տարի անց է կացվում Հայաստանի մարզերից մեկում, այս տարի ժողովրդական արհեստագործության ոլորտի լավագույն վարպետներին համախմբել էր Գեղարքունիքի մարզի Գավառ քաղաքում:

Միջոցառումն անցկացվել է «Երիտասարդները ստեղծում են համը. խոհարարություն եւ արհեստներ» խորագրի ներքո:

Փառատոնի պաշտոնական բացման եւ ողջույնի խոսքով հանդես են եկել ՀՀ կրթության, գիտության, մշակույթի եւ սպորտի նախարար Ժաննա Անդրեասյանը, Գեղարքունիքի մարզպետի տեղակալ Ջանիկ Բազեյանը եւ Գավառ համայնքի ղեկավարի տեղակալ Գրիգոր Դաշտոյանը:

Փառատոնն իրականացվել է Հովհաննես Շարամբեյանի անվան ժողովրդական արվեստների թանգարանի կողմից, իսկ միջոցառումները ներառել են եւս հայ եւ օտարազգի վարպետների ձեռագործ աշխատանքների ցուցահանդես-վաճառք, ավանդական համեղ ուտեստներ, խոհարարական մրցույթներ, լարախաղացի ներկայացումներ, ֆոտոանկյուն, ավանդական երգ ու պար, թաղիքե զորքի ստեղծում, ավանդական խաղեր, թանգարանային ցուցադրություններ, վարպետության դասեր, ինչպես նաեւ համերգներ:

Փառատոնի առաջին օրը հյուրերին գեղագիտական համույթ են պատճառել «Ethno Colors» երաժշտական խմբի անդամները, իսկ երկրորդ օրը կայացել է «Գամմա» բենդի համերգը:

Ավարդ Մանուկյան

ՓԱՌԱՍԿԱՆԻ ԿԱՍ ՎԵՐԻՆ ԵՐՈՎԻՆԱՐ

Գեղարքունիքի մարզի Ծովինար գյուղի վարչական տարածքում, բնակավայրից մոտ 10 կիլոմետր դեպի հարավ, Վարդենիսի լեռնաշթափի փեշին են տարածվում 76 տարի առաջ լքված Վերին Ծովինար կամ Փառականք գյուղի ավերակները, նաեւ՝ կիսավեր Պողոս-Պետրոս եկեղեցին ու պատմական գերեզմանոցի խաչքար-տապանաքարերը:

Այս բնակատեղին, թերեւս, ուսումնասիրման լուրջ կարիք ունի, որքան էլ որ հայ մի շարք հեղինակներ ինչ-որ չափով անդրադարձել են նրա պատմությանը:

Դժվար է ճշգրտել Փառականքի հիմնադրման ստույգ ժամանակահատվածը, թեւ գրավոր հիշատակությունները եւ տարածքում պահպանված խաչքարերը փաստում են, որ այս գյուղը գոյություն է ունեցել դեռեւս 9-10-րդ դարերում եւ որոշակի ընդմիջումներով շարունակվել մինչեւ 1949 թվականը: Չի բացառվում սակայն, որ Փառականքը եղած լինի Հայաստանի անենահին կամ հնագույն բնակավայրերից մեկը, որտեղ մարդիկ ապրել ու արարել են մի քանի հազարամյակ շարունակ, ինչպես որ Սեւանա լճի ավազանի հարյուրից ավելի բնակավայրերի դեպքում է:

Փառականքի մասին հիշատակել են միջնադարյան հայ նշանավոր պատմիչ Ստեփանոս Օրբելյանը, հայ եկեղեցու անվանի գործիչ, վավերագրող Մեսրոպ Արքեպիսկոպոս Սմբատյանցը, հայտնի հնագետներ Երվանդ Լալայանը եւ Սեդրակ Բարխուդրյանը:

Ստեփանոս Օրբելյանը Փառականքը հիշատակում է Գեղարքունիք գավառի բոլոր այն գյուղերի ցանկում, որոնք հարկատու էին Տաթևի վանքին: Մեսրոպ Արքեպիսկոպոս Սմբատյանցն այս գյուղի մասին թողել է այսպիսի հիշատակություն՝ այն կոչելով Կարմիր խաչեր կամ Վաղավեր. «Քյուլաղան գյուղից 4-5 վերստ հեռավորությամբ, հարավարելեյան կողմում կա մի ավերակ գյուղատեղ, ուր կա մի հին եկեղեցի՝ երկու խորաններով, որ ծածկված են տափարակ սալքարերով, իսկ եկեղեցվի որմունքն են միայն կանգուն, որո շրջապատը կան գեղեցիկ քանդակներով խաչքարեր եւ գերեզմանաքարեր, որոնց վրա երևում են գրվածքներ: Մի տապանաքարի վրա գրված էր այսպես. «Իմ որդի Տաճատի հարսանիքին գործադրվեցավ երեք խալվար ալյուր, մի խալվար աղ, հինգ եզն եւ տասն ոչխար, երեք կարաս գինի եւ մի կարաս օղի, Սողից մինչեւ Գավառն Գեղարքունին հրավիրված էին հարսանիք, ով մեզանից քաջ է, թող այսպես հարսանիք անե որովոյն. Միր Ամիր»: Հիշյալ ավերակ գյուղատեղով եկեղեցվի մոտ կան նաեւ կարմրագույն քարից խաչքարեր, եւ այս պատճառով գյուղատեղն անվանվում է Կարմիր խաչեր, որո հին անունը ըստ ակ-

նարկության մի հին խաչքարի արձանագրության, եղել է Վաղավեր»,- գրում է Սմբատյանցը:

Մեսրոպ Սմբատյանցի կողմից Գեղարքունիքի մարզում ձեռնարկած ուսումնասիրությունների ժամանակահատվածում, որը սկսվել է 1862 թվականից ու ավարտվել 1895 թվականին, Վերին Ծովինարը կամ Փառականքը եղել է անմարդաբնակ, իսկ ահա Երվանդ Լալայանի ձեռնարկած ուսումնասիրության ընթացքում, 1910-ական թվականներին արդեն այն եղել է բնակեցված:

«Վերին Քյուլաղան կամ Կարմիր Խարապա. գտնվում է Քյուլաղան գյուղից 2 կիլոմետր հեռու, դեպի հարավ-արելեյ, մի հին գյուղատեղում, ուր կա մի կիսավեր եկեղեցի եւ բավականաչափ կարմիր խաչքարեր, որոնցից մեկի վրա արձանագրված է եղել, ըստ Սմբատյանցի, «Իմ որդի Տաճատի հարսանիքին...»: Վերոնշյալ արձանագրությունը եւ չկարողացա գտնել, իմ տեսած խաչքարերից ամենաուշագրավը գտնվում է եկեղեցու մեջ, ծածկված է գեղեցիկ քանդակներով եւ թիկունքին կրում է հետևյալ արձանագրությունը. «Ածով մեք Դավիթ էրեցս եւ որդիքս Սուրբան դուլի Եղիշի թոռն Դավանին, որ ենք ծնունդս Սարու Ամիմանին, որ բազում ջանի եւ հնարիւ բերել սարնդահանայ արելի սարին ջուրն Դախձն գթա շինյ շինեաց բ. ջաղաց եթող հօրն իմ, քերծն ընդոց»: Մի ուրիշ խաչքարի վրա էլ գրված է. «Ած ողորմի Սուրբան Դուլիին»: Հավանական է, որ այս գյուղատեղին հին Վաղավեր գյուղը եղած լինի: Բնակիչները 1890 թվականին Քյուլաղանից /Ծովինարից/ գաղթած հայեր են, ընդամենը 22 տուն, 101 արական, 98 իգական 199 հոգի»,-գրել է Երվանդ Լալայանը:

/շարունակությունը՝ էջ 4-ում/





2

Հունիսի 11-ի առավոտյան գազի արտահոսքի հետեւանքով նախ պայթյուն, ապա փլուզում է տեղի ունեցել Գեղարքունիքի մարզի ճամբարակ բաղաբի բազմաբնակարան շենքերից մեկում, ինչի հետեւանքով զոհվել են վեց, վիրավորվել տասից ավելի քաղաքացիներ:

Աղետից անմիջապես հետո դեպքի վայր են ժամանել ու փրկարարական գործողություններ ձեռնարկել ՀՀ ՆԳՆ Փրկարար ծառայության փրկարարները, ովքեր ողջ ցերեկվա ընթացքում կարողացել են մաքրել փլատուները եւ այնտեղից դուրս բերել 1937 թվականին ծնված Ռոզա Վարդանյանի, 1949 թվականին ծնված Ռիտա Սարգսյանի, 1935 թվականին ծնված Ռոզա Մովսիսյանի, 1963 թվականին ծնված Հրաչյա Լազարյանի, 1971 թվականին ծնված Արթուր Սարգսյանի դիերը եւ վիրավորում ստացած անձանց: Հաջորդ օրը հիվանդանոցում մահացել է նաեւ փլուզումից տուժած Կարապետ Կարինյանը:

Պայթյունի հետեւանքով հոսպիտալացվել է 11 անձ, որոնցից 3-ը տեղա-

ՃԱՄԲԱՐԱԿՈՒՄ ԲԱԶՄԱԲՆԱԿԱՐԱՆ ՇԵՆՔԻ ՓԼՈՒԶՈՒՄԸ 6 ՄԱՐԴՈՒ ԿՅԱՆՔ ԽԼԵՑ



փոխվել են մայրաքաղաքի բուժօգնություններ: Տուժածների առողջական վիճակը գնահատվել է միջին

ծանրության, բոլորը ստացել են համապատասխան բուժօգնություն:

Ճամբարակում տեղի ունեցած գազի պայթյունի կապակցությամբ Ներքին գործերի ու Տարածքային կառավարման եւ ենթակառուցվածքների նախարարությունները համատեղ իրականացրել են իրավիճակից բխող անհրաժեշտ գործողություններ:

Միջգերատեսչական մակարդակով, մարզային եւ համայնքային իշխանությունների ներգրավմամբ, աշխատանքներ են տարվել տարբեր, այդ թվում շենքի բնակիչների կարիքների գնահատման, անհրաժեշտ դեղորայքի, սննդի, կարիքն առաջանալու դեպքում կացարանով ապահովելու, պատահարի հետեւանքների չեզոքացման եւ այլ առաջնային ուղղություններով:

Տեղում որոնողափրկարարական աշխատանքները, որոնց ներգրավված են շուրջ 230 փրկարարական ծառայողներ եւ ոստիկաններ, ղեկավարել է ՓՀՀ ՆԳՆ Փրկարար ծառայության տնօրեն, ՆԳ

նախարարի տեղակալ Կանո Ցուցուլյանը:

Աղետի հետեւանքների վերացման կապակցությամբ մարզպետ Կարեն Սարգսյանը հրատապ աշխատանքային խորհրդակցություն է անցկացրել ճամբարակում:

Սարգսյանի որոշմամբ անմիջապես ստեղծվել է կարիքները գնահատող աշխատանքային խումբ, որն այդ ու հաջորդ օրերին աշխատել է դեպքի վայրում:

Գեղարքունիքի մարզպետի աշխատակազմի եւ ճամբարակի համայնքապետարանի ուժերով աշխատանքային խումբը իրականացրել է վթարված շենքի բնակիչների տեղավորման, կացարաններով ապահովման աշխատանքներ, կազմակերպել նրանց սննդի, անհրաժեշտության դեպքում՝ նաեւ դեղորայքով ապահովման աշխատանքներ:

Սարգսյանի կողմից հանձնարարվել է նաեւ որոնողական աշխատանքներում ներգրավել հավելյալ շինտեխնիկա՝ փրկարարական եւ վերականգնողական աշխատանքներին օժանդակելու նպատակով:

«Գեղամա աշխարհ»

ՅՈՒՅՄԱՐԴՈՒԹՅԱՆ ԵՆ ՆԵՐԿԱՅԱՅՎԵԼ ՄԱՐՏՈՒՆԻ ՀԱՄԱՅՆՔՈՒՄ ԿԱԶՄԱԿԵՐՊՎԱԾ ԳԵՂԱՆԿԱՐԶԱԿԱՆ ՍԻՄՊՈԶԻՈՒՄԻ ԱՐԴՅՈՒՆՔՈՒՄ ՍՏԵՂԾՎԱԾ ԳԵՂԱՆԿԱՐՆԵՐԸ

Հունիսի 10-ից Գեղարքունիքի մարզպետ Կարեն Սարգսյանի նախաձեռնությամբ Գեղարքունիքի մարզպետի աշխատակազմի վարչական շենքում ցուցադրության են ներկայացվել 2024 թվականի ամռանը Մարտունի համայնքում ՀՀ Նկարիչների միության անդամ Արամայիս Խլղաթյանի նախաձեռնությամբ անցկացված գեղանկարչական սիմպոզիումի արդյունքում ստեղծված 47 կտավները:

ՀՀ Նկարիչների միության անդամներ Հրանտ Թադևոսյանի, Արմեն Լորենցի, Շահեն Օրդուբեկյանի, Հովհան Սեւոյանի, Սամվել Մարտիրոսյանի, Մաթեոս Սարգսյանի, Վլադիմիր Սիմոնյանի, Դավիթ Դավթյանի, Լեւոն Խաչատրյանի, Արամայիս Խլղաթյանի, Մելքոն Հովհաննիսյանի, գեղանկարիչներ Աշոտ Խաչատրյանի, Մարիամ Գալստյանի, Հասմիկ Նազարյանի, Հասմիկ Սիերյանի, Հրայր Խլղաթյանի եւ Ռուզաննա Նավոյանի հեղինակած կտավները



պատկերում են Մարտունի համայնքի բնաշխարհը Մադինա գյուղում, Վարդենիկի Իշխանաձորում ու Մարտունու Մթնաձորում:

Գեղանկարչական սիմպոզիումը կազմակերպվել է Մարտունու համայնքապետարանի ֆինանսական միջոցներով: Սիմպոզիումի արդյունքում ստեղծված կտավները սեփականության իրավունքով հանձնվել են Մարտունու համայնքապետարանին:

Կտավները Գեղարքունիքի մարզպետի աշխատակազմի վարչական շենքում ցուցադրության կմնան մեկուկես-երկու ամիս: Դրանք ցուցադրության կներկայացվեն Գեղարքունիքի մարզպետի աշխատակազմի ենթակայությամբ գործող հիմնարկների, մարզի համայնքապետարանների աշխատակազմերի, կրթամշակութային հաստատությունների աշխատակիցներին, հանրակրթական դպրոցների աշակերտներին:

ՀԻՄՆԱՆՈՐԴՎՈՒՄ Է ԳԱՎԱՌ ՔԱՂԱՔԻ ՄԻՔԱՅԵԼՅԱՆ ՓՈՂՈՅԸ



Գավառ քաղաքի Միքայելյան փողոցում արդեն մեկնարկել է ընթացում են հիմնանորոգման աշխատանքները ՀՀ կառավարության կողմից 2025 թվականին իրականացվող սուբվենցիոն ծրագրերի շրջանակներում:

Ինչպես տեղեկացրին Գավառի համայնքապետարանի աշխատակազմից, Գավառի Միքայելյան փողոցի հիմնանորոգման ծրագրի

տում 1,5 կիլոմետր երկարությամբ, 7000 քառակուսի մետր մակերեսով եւ մայրերի ու ջրահեռացման ներքին համակարգի կառուցում:

Աշխատանքները նախատեսված է ավարտի հասցնել 2025 թվականի ընթացքում:

Աշխատանքներն իրականացնում է Գավառի «ԵՇՇ» ԲԲԸ-ն:

Ալվարդ Մանուկյան

ՍԵՎԱՆ ՀԱՄԱՅՆՔՈՒՄ ԸՆԹԱՆՈՒՄ ԵՆ ՃԱՆԱԳԱՐ ՀԱՇՆԱԿԱՆ ԱՇԽԱՏԱՆՔՆԵՐ

Գեղարքունիքի մարզի Սեւան համայնքում արդեն շուրջ երկու ամիս է, ինչ սկսվել է ընթացում են ճանապարհաշինական աշխատանքներ ՀՀ կառավարության կողմից իրականացվող սուբվենցիոն ծրագրերի շրջանակներում:

Ծրագրի առաջին փուլի Սեւան քաղաքի շուրջ մեկտասնյակ փողոցների հիմնանորոգումը մեկնարկել է Իսահակյան, Օրբելի, Կարմիր բանակի, Սպանդարյան փողոցներից, որտեղ իրականացվել է ընթացքի մեջ են քանդման, հողային, ճանապարհային պատվածքի, ուղիների եւ մուտքերի, մայրերի հիմնանորոգման, դիտահորերի պատերի ամրացման, կափարիչների, եզրաքարերի, եզրաշարերի, նոր մետաղական խողովակների տեղադրման, ջրամեկուսացման, ջրիավաք հորերի իրականացման եւ այլ բնույթի աշխատանքներ:

Հիշյալ փողոցներին կից ջրորդի Գեղամա, Ռուսական, Աբովյան, Սայաթ-Նովա,



Սյունյաց փողոցների հիմնանորոգումը: Հիմնանորոգումն ընդգրկում է 39657 քառակուսի մետր տարածք:

Ծրագրի պայմանագրային արժեքը կազմում է 628 միլիոն 990 հազար 550 դրամ է, որի 50 տոկոսը հատկացնում է ՀՀ կառավարությունը, 50 տոկոսը՝ Սեւանի համայնքապետարանը: Շինարարական աշխատանքները նախատեսվում է ավարտել 2025 թվականի ընթացքում:

Շինարարական աշխատանքներն իրականացնում է «Շան-Շին» ՍՊԸ-ն:

Արմինե Ղուկասյան

ՍԵՎԱՆ ԱՃԻՑ ՈՐՈՌԳՄԱՆ ԵՊԱՏԱԿԵՐՈՎ ՍԿՍՎԵԼ ԵՆ ԶԻՐԱՅՈՐՈՂՈՒՄՆԵՐԸ

2025 թվականի հունիսի առաջին տասնօրյակից ոռոգման նպատակներով Սեւանա լճից Հրազդանի հունով սկսվել են ջրաբացողությունները:

ՀՀ ՇԱՆ «Հիդրոօդերեուբաբանության եւ մոնիտորինգի կենտրոն» ՊՈԱԿ տեղեկագրի տվյալներով՝ 2025 թվականի հունիսի 24-ի դրությամբ ոռոգման նպատակներով Սեւանա լճից արդեն բաց է թողնվել 29 միլիոն 687 հազար խորանարդ մետր ջուր: Իսկ այս տարվա հունվարից մինչ հունիսի 24-ն

ընկած ժամանակահատվածում Արփա-Սեւան թունելային ջրատարով Սեւանա լիճ է տեղափոխվել 93 միլիոն 371 հազար խորանարդ մետր ջուր:

Հունիսի 24-ի դրությամբ Սեւանա լիճը ծովի մակերեսիցից գտնվել է 1900 մետր 70 սանտիմետր բարձրության վրա, ինչը 6 սանտիմետրով բարձր է մնում նախորդ տարվա նույն օրվա նիշից:


ԳԵՂԱՐՔՈՒՆԻՔԻ ՄԱՐԶՈՒՄ ԿԱՏԱՐՎԵԼ Է 16 ՀԱԶԱՐ 158,3 ՀԵԿՏԱՐ ԳԱՐՆԱՆԱՑՈՆ

Գեղարքունիքի մարզի գյուղացիական տնտեսություններում 2025 թվականի հունիսի 10-ի դրությամբ ավարտվել է զարմանազան: Ինչպես տեղեկացրին Գեղարքունիքի մարզպետի աշխատակազմի գյուղատնտեսության եւ շրջակա միջավայրի պաշտպանության վարչությունից, համայնքերից ստացված ամփոփ տվյալների համաձայն, կատարվել է 16 հազար 158,3 հեկտար զարմանազան, որից 3907,3 հեկտարը՝ Գավառում, 1161,8 հեկտարը՝ Սեւանում, 3687,3 հեկտարը՝ Մարտունիում, 6654 հեկտարը՝ Վարդենիսում եւ 747,8 հեկտարը՝ ճամբարակում:

Ցանկվել է 7708 հեկտար գարի, 5564,7 հեկտար կարտոֆիլ, 688,7 հեկտար զարմանա-

ցան ցորեն, 16 հեկտար եգիպտացորեն, 283,3 հեկտար վարսակ, 128,5 հեկտար այլ հազագին մշակաբույսեր, 213,7 հեկտար լոբի, 20 հեկտար սոյա, 25 հեկտար սիսեռ, 147 հեկտար ոլոռ, 698,34 հեկտար բանջարեղեն, 650,6 հեկտար բազմամյա կերային մշակաբույսեր, 6 հեկտար այլ կերային մշակաբույսեր եւ 8,5 հեկտար կտավատ:

Աշնանացան ցորենի ցանքերը կազմում են 10 հազար 294,1 հեկտար, որոնք հաջող են ձեռնել ու կենսունակ են հետագա աճի ու զարգացման համար: Այլ խոտերով Գեղարքունիքի մարզում այս տարի բերիք տակ է 26 հազար 459,1 հեկտար ցանքատարածություն:



ԳԱՎԱՌՈՒՄ ՀՅՈՒՐԵՆԿԱՎԵԼ Է ՀԵՐՈՍ-ՔԱՂԱՔ ՆՈՎՈՌՈՍԻՅԱԿԻ ՊԱՇՏՈՆԱԿԱՆ ՊԱՏՎԻՐԱԿՈՒԹՅՈՒՆԸ

Գավառ- Նովոռոսիյսկ եղբայր քաղաքների համագործակցության շրջանակներում Գավառ համայնքի ղեկավար Գուրգեն Մարտիրոսյանը ընդունել է Ռուսաստանի Դաշնության Կրասնոդարի երկրամասի Հերոս-քաղաք Նովոռոսիյսկի պաշտոնական պատվիրակությանը՝ քաղաքապետ Անդրեյ Կրավչենկոյի գլխավորությամբ:

Պատվիրակության կազմում էին Նովոռոսիյսկ քաղաքի հայկական ազգային մշակութային «Լույս» հասարակական կազմակերպության նախագահ, Կուբանի աշխատանքի հերոս, Կրասնոդարի երկրամասի հասարակական պալատի անդամ Վլադիմիր Մխիթարյանը, ՌԴ Կրասնոդարի երկրամասի «Ռուսաստանում հայերի միության» համառուսական հասարակական կազմակերպության շրջանային բաժանմունքի նախագահի տեղակալ Գեորգի Պողոսովը, պաշտոնատար այլ անձինք:

Համայնքապետարանում պատվիրակությանը աղ ու հացով դիմավորելուց հետո համայնքի ղեկավարն իր աշխատասենյակում անվանական արժաթե հուշամեդալներ է հանձնել Անդրեյ Կրավչենկոյին, Վլադիմիր



Մխիթարյանին եւ Գեորգի Պողոսովին:

Անդրեյ Կրավչենկոն իր հերթին Գուրգեն Մարտիրոսյանին է փոխանցել խորհրդանշական հուշանվերներ:

Կողմերը քննարկել են բարեկամ քաղաքների հե-

տագա համագործակցության հարցեր:

Գուրգեն Մարտիրոսյանը եւ Անդրեյ Կրավչենկոն շրջել են Գավառ քաղաքում, ծանոթացել քաղաքի պատմությունը խորհրդանշող պատմամշակութային արժեքներին:

Այնուհետեւ Գավառի Սամվել Քոչարյանցի պուրակում տեղի է ունեցել Նովոռոսիյսկ քաղաքի հիմնադիրներից մեկի՝ Լազար Մարկոսի Սերեբրյակովի հուշատախտակի բացման հանդիսավոր արարողությունը: Վերջինս ծագումով հայ է, ռուսական նավատորմի ծովակալ, մեծ է նրա ներդրումը Սևծովյան նավատորմի եւ քաղաքաշինության զարգացման գործում:

Հուշատախտակի բացման արարողությունը ուղեկցվել է ելույթներով, որոնցում ընդգծվել են Գավառ-Նովոռոսիյսկ եղբայր քաղաքների բարեկամական հարաբերությունները՝ հայ-ռուսական գործակցության համատեքստում: Ի նշան երկու քաղաքների բարեկամության՝ պուրակում նաեւ ծառ է տնկվել:

Այցելություն է կատարվել նաեւ Գավառ համայնքի Հայրենական Սեծ պատերազմի միակ վետերան, սարուխանցի 103-ամյա Մեխակ Ավետիսյանին:

Ավարդ Մանուկյան

ԱՐՓԻ ՍԻՆԱՆՅԱՆԸ ԵՐԿՐՈՐԻ ՄՐՑԱՆԱԿԻ Է ԱՐԺԱՆԱՅԵԼ ՎԱՐՇԱՎԱՅՈՒՄ ԿԱՅԱՅԱՇ

ՕԴԵՐԱՅԻՆ ԵՐԳԻՉՆԵՐԻ ՄԻՋԱԶԳԱՅԻՆ ՄՐՑՈՒՅԹՈՒՄ

Երեւանի Կոմիտասի անվան պետական կոնսերվատորիայի ակադեմիական վոկալ բաժնի 4-րդ կուրսի ուսանողուհի Արփի Սինանյանը այս տարվա հունիսի 2-ից 7-ին Լեհաստանի մայրաքաղաք Վարշավայում մասնակցել է Ստանիսլավ Մոնյուշկոյի անվան միջազգային 12-րդ մրցույթին եւ նվաճել երկրորդ պատվավոր տեղը:

Հեղինակավոր մրցույթին մասնակցել են ավելի քան 80 օպերային երգիչներ՝ աշխարհի տարբեր երկրներից: Մրցույթի 3 փուլերը հաջողությամբ հաղթահարել են Հայաստանը ներկայացնող Արփի Սինանյանը եւ Ալեքս Դավեյանը: Մեր հայրենակիցները եզրափակիչ փուլում 4 մրցանակակիրների մեջ գրավել են երկրորդ եւ երրորդ տեղերը:

Մրցույթի արդյունքները վերլուծել եւ Արփի Սինանյանին որպես «հայտնություն, բացառիկ դրամատիկ սուպրանո, աղամանդ» են որակել ճանաչված երաժշտական քննադատները, ովքեր նշել են 22-ամյա երգչուհու բարդագույն երգացանկը, հասուն կա-

տարումը, բեմական վարպետությունը:

Արփի Սինանյանը Երեւանի Կոնսերվատորիայի լավագույն ուսանողներից է եւ անվանական կրթաթոշակառու: Սովորել է ՀԽՍՀ ժողովրդական արտիստ, պրոֆեսոր Օլգա Գաբայանի դասարանում: Միաժամանակ, ընդգրկված է «Երիտասարդ օպերային երգիչներ» ծրագրում եւ խորացնում է գիտելիքները իր գործի գիտակ, նվիրյալ արվեստագետ Լեւոն Ջավադյանի ղեկավարությամբ:

Արփի Սինանյանը մեկ տարի առաջ երկրորդ մրցանակ է նվաճել Իտալիայում կայացած միջազգային մրցույթում: Նա արմատներով Գեղարքունիքի մարզի Գավառ քաղաքից է:

Խոսրով Խլդաթյան



ԳԵՂԱՐՔՈՒՆԻՔԻ ՄԱՐԶՊԵՏԸ ՀԱՆԴԻՊԵԼ Է ՄԱՐՏՈՒՆԻ ՀԱՄԱՅՆՔԻ ՄՊԱՆԴԱՆՈՑՆԵՐԻ ՏՆՕՐԵՆՆԵՐԻՆ ԵՎ ՄՄԱՎԱՃԱՌՆԵՐԻՆ

Գեղարքունիքի մարզպետ Կարեն Սարգսյանը Մարտունու համայնքապետարանում հանդիպել է համայնքի սպանդանոցների տնօրեններին եւ մասնաճառներին: Ինչպես տեղեկացրին Գեղարքունիքի մարզպետի աշխատակազմից, հանդիպմանը մասնակցել է նաեւ Մարտունու համայնքի ղեկավար Հովհաննես Հովսեփյանը:

Հանդիպման ընթացքում քննարկվել են անասնամթերքի արտադրության եւ իրացման գործընթացում կիրառվող պահանջները, կենդանիների մորթի վերահսկման մեխանիզմները, ինչպես նաեւ առկա խնդիրներն ու առաջարկվող լուծումները:



Կարեն Սարգսյանը շեշտել է, որ անասնամորթը պետք է կատարվի բացառապես սպանդանոցներում՝ համաձայն Հայաստանի Հանրապետությունում գործող սանիտարահիգիենիկ եւ օրենսդրական կարգավորումների: Նա ընդգծել է, որ խստորեն պետք է արգելել անկանոն մորթը եւ անօրինական իրացումը, ինչը վտանգ է ներկայացնում սպանդանոցների առողջության համար:

Հանդիպման ավարտի մարզպետը հորդորել է ոլորտի ներկայացուցիչներին ցուցաբերել պատասխանատվություն, հետևել օրենքի պահանջներին եւ խուսափել խախտումներից:

ՀՀ Գեղարքունիքի մարզպետի աշխատակազմ

ՄԱՐՏՈՒՆԻ ՀԱՄԱՅՆՔՈՒՄ ԸՆԹԱՆՈՒՄ ԵՆ ԱՄՖԱՆԱՊԱՏ ՓՈՂՈՑՆԵՐԻ ՓՈՍԱՅԻՆ ՆՈՐՈԳՄԱՆ ԱՇԽԱՏԱՆՔՆԵՐ



Գեղարքունիքի մարզի Մարտունու համայնքում 2025 թվական հունիսի սկզբից մեկնարկել եւ ընթանում են ասֆալտապատ փողոցների վնասված հատվածների փոսային նորոգման աշխատանքները:

Ինչպես տեղեկացրին Մարտունու համայնքապետարանի աշխատակազմից, Մարտունու ասֆալտապատ փողոցների վնասված հատվածների փո-

տաշեն, Ներքին Գետաշեն, Լիճք, Ծակ-ծոր, Ծովասար, Չորագյուղ, Վարդաձոր, Երանոս գյուղերում:

2025 թվականի հունիսի 18-ի դրությամբ աշխատանքներն իրականացված են շուրջ 60 տոկոսով:

Աշխատանքները կավարտվեն առաջիկա 10-15 օրերի ընթացքում:


«Գեղամա աշխարհ»

ԳԵՂԱՐՔՈՒՆԻՔԻ ԵՎ ԼԻՃՔ ԳՅՈՒՂԵՐԻ ՏՆՏԵՍՈՒԹՅՈՒՆՆԵՐԸ ՈՐՈՇԱԿԻ ՎՆԱՄՆԵՐ ԵՆ ԿՐԵԼ ՀՈՒՆԻՍԻ 6-ԻՆ ԵՎ 10-ԻՆ ՏԵՂԱՅԱԾ ԿԱՐԿՈՒՑՆԵՐԻՑ

Գեղարքունիքի մարզի Գեղհովիտ եւ Լիճք համայնքների առանձին տնտեսություններ վնասներ են կրել 2025 թվականի հունիսի 6-ին եւ 10-ին տեղացած կարկուտների պատճառով:

Մարտունու համայնքապետարանի աշխատակազմի գյուղատնտեսության բաժնից ստացված նախնական տվյալներով՝ հունիսի 6-ին Գեղհովիտ գյուղում տեղացած կարկտի հետեւանքով վնասվել է 1 հեկտար պտղատու այգի, 6 հեկտար լոբու ցանք: Հուլիս 50 տոկոսով վնասվել են պտղատու այգիները, 90 տոկոսով լոբու ցանքերը:

Հունիսի 10-ին Լիճքում տեղացած կարկուտը վնասել է 11 հեկտար պտղատու այգի, 13 հեկտար կարտոֆիլի, 2 հեկտար սխտորի, 1 հեկտար լոբու ցանքեր: Հուլիս 80 տոկոսով



վնասվել են պտղատու ծառերը, 70 տոկոսով՝ կարտոֆիլի եւ սխտորի, 90 տոկոսով լոբու ցանքերը:

Վնասի չափերը ճշտվում են գերատեսչական համապատասխան հանձնաժողովների կողմից:

«Գեղամա աշխարհ»

/սկիզբը՝ էջ 1-ում/

Գյուղի պատմությանն առավել մանրամասն ու ծավալուն անդրադարձ է կատարել Սեդրակ Բարխուդարյանը՝ իր «Դիվան հայ վիմագրության» աշխատության մեջ կատարելով չափազանց կարեւոր ու համոզիչ ուղղումներ:

Ըստ Բարխուդարյանի՝ գյուղի վաղավեր անունը սխալ է մատնանշված թե՛ Սմբատյանցի, թե՛ Լալայանի մոտ՝ այստեղ պահպանված մի տապանաքարի վրա եղած արձանագրության թյուրմբռնման պատճառով: Ու տալիս էր, որ երկու հեղինակներն էլ Փառականքում անծանոթ չեն եղել, այլ հիմնվել են այլ մարդկանց տված տեղեկությունների վրա: Հետաքրքիր է, որ Սմբատյանցը Փառականքի տեղանքը նշում է Ծովինարից 4-5 վերստ, Լալայանը՝ 2 կիլոմետր դեպի հարավ-արեւելք, մինչդեռ այդ հեռավորությունն իրականում շուրջ 10 կիլոմետր է:

Հիմա խոսքը տանք Սեդրակ Բարխուդարյանին: «Այս գյուղի անունը մոռացված է եղել: Այն վերականգնելու տեղադիր հեղինակների փորձերն էլ ավելի մեծ շփոթություններ են մուծել հարցի մեջ: Այժմ անմարդաբնակ այս գյուղը Սմբատյանցն անվանում է Կարմիր հաչեր, իսկ հին անունը՝ Վաղավեր, Լալայանը՝ Կարմիր հարապա եւ Վաղավեր: Թե՛ նոր, թե՛ հին այդ անունները սխալ են:

Կարմիր հարապա գյուղատեղը գտնվում է սրանից 15-20 կիլոմետր արեւելք, Կարճաղբյուր գյուղի հանդուս են մտնում Մաքենյաց վանքին, որը մեր որոշմամբ զբաղեն գյուղն է: Հնուն գոյություն ունեցող Վաղավեր տեղանվան հետ նույնացնելուն հիմք է ծառայել իբր այս ավերակների մեջ գտնվող մի տապանաքարի վրա ընթերցված Վաղավեր անունը:

Նախ նշենք, որ Ստեփանոս Օրբելյանի ցուցակում նշված Վաղավեր տեղանունը Սողից գավառի մեջ է



եւ ոչ Գեղարքունի, ապա այն, որ այդ եզրակացության հիմք-տապանագիրը Սմբատյանցն ու Լալայանը չեն հրապարակել, ինչպես եւ առհասարակ Վերին Քյուլաղճանից ոչ մի արձանագրություն չի հրատարակված մինչ այժմ, մի երեւոյթ, որ թելադրում է ենթադրել, որ նրանք չեն այցելել այդ վայրը, այլ որեւէ «տիրացուի» խոսքի հիման վրա է առաջացել այս շփոթմունքը եւ հետեւյալ կերպ: Փառականքի գերեզմանատան մի տապանագիրը հաղորդում է. «Այս է հանգիստ Ռիվանին, որդի Տալալին, Վաղաթնու եկո տեղս կաներ գնալ տեղն յուր հանգստի ի Քրիստոս. Թվ. 1678»: Ահա այս Վաղաթնու անվան սխալ վերծանումը եղել է շփոթմունքի պատճառը, մանավանդ կոտրված տապանաքարի ընդհանուր բովանդակությունից, ուր ասված է, թե Ռիվանը եկվոր է: Վերջին հանգամանքը տարբեր առումներով հետաքրքիր է, մանավանդ որ այժմ էլ Սիսիանի շրջանում գոյություն ունեցող հին Վաղաթն գյուղի մոտեքից՝ Գորեսից, մի ուրիշն էլ է եկել Փառականք՝ պարոն Լալը, որը Մելիք Տաթևուի որդին է եւ մեռել է ողբերգական մահով: Այս գյուղի անունը հնարավոր է վերականգնել բոլորովին այլ ճանապարհով: Այս գյուղը եղել է մելիքանիստ, առնվազն այստեղ են մտնել 14-րդ դարի վերջերից Գեղարքունիք գավառի մելիքական տոհմերից Աղբուղայանները կամ Պուղիկյանները, որոնց տոհմի գերեզմանները, այն էլ մի քանի սերնդի, գտնվում են



ՓԱՌԱԿԱՆՔԻ ԿԱՄ ՎԵՐԻՆ ԾՈՎԻՆԱՐ

այստեղի գերեզմանատան մեջ: Այս տոհմի բազմաթիվ տապանագրերից ու այլ աղբյուրներից երեւում է, որ ամենանշանավոր մելիքը եղել է Թանկրիդուլին, որը Գեղարքունիքի տանուտերերի ու մելիքների հետ ստորագրել է 1513 թվականի այն փաստաթուղթը, որով Գեղարքունիք գավառը հաստատվում է Տաթևի վանքի թեմի մեջ: Եթե այս փաստաթղթում Թանկրիդուլու ստորագրությունը երկրորդ տեղն է զբաղում, ապա Տաթևի վանքի Սուրբ Գրիգոր Լուսավորիչ եկեղեցու հարավային եւ արեւելյան պատերի մեջ արված արձանագրության մեջ Թանկրիդուլին առաջին ստորագրողն է: Այդ արձանագրությունը որոշում է, որ Գեղարքունիքի եւ Սոթքի գավառի գյուղերը պարտավորում են Տաթևի վանքին, որպես լուսացու վառելիք երկու կապալ ձեթ տալ:

1532 թվականին գրված այս արձանագրության զգալի մասի քարերը թեւ թափվել-կորել են, բայց Թանկրիդուլու անունը պահպանվել է, եւ ընդհանրապես այդ արձանագրությունն ունի այն առավելությունը, որ մի քանի ստորագրողների անվան դիմաց նշվել է նրանց գյուղերի անունները: Թանկրիդուլու անվան դիմաց մնացել է մի տեղանվան մաս՝ Փառկուն, որն առանց տառանվելու կարող ենք լրացնել՝ Փառկունեցի:

Ստեփանոս Օրբելյանի պատմության մեջ պահպանված Գեղարքունիք գավառի գյուղերի ցանկում կա Փառականք գյուղը, որը «Ճամբքի» մեջ Մաքենյաց վանքի վիճակի գյուղերի ցանկում գրված է Փառականիք ձևով:

Այս գյուղի մասին հետաքրքիր տեղեկություններ են պահպանվել Արատեսի վանքի պատին գրված մի ընդարձակ արձանագրության մեջ, ըստ որի, Ստեփանոս Օրբելյանն այդ վանքին է նվիրում Գեղարքունիքի իր սեփական վիճակից ութ գյուղ, որոնց մեջ նշված է նաեւ Փառականիքը: Այդ բոլոր ութ գյուղերը գտնվել են իրար կողքի, ներկայիս Մարտունու շրջանում: Այս գյուղն այժմ անմարդաբնակ է, գյուղատեղում պահպանվել են արձանագրություն ունեցող հետեւյալ հուշարձանները:

Ա. Հին գերեզմանատան մնացորդներ, մեկը՝ եկեղեցուց հարավ-արեւմուտք, մյուսը՝ հարավ-արեւելք, երկու տեղում էլ կանգնած են 12-13-րդ դարերի խաչքարեր:

Բ. Եկեղեցի, որ այժմ փայտածածկ չենք է, նորոգված ալաշկերտցի գաղթականների կողմից: Հյուսիս-արեւմտյան անկյունում, պատկից, կա մի փոքրիկ մատուռ, ավելի հին, որը շենքի վերանորոգման ժամանակ հարմարեցրել են որպես խորան եւ եկեղեցուց մուտք բացել նրա մեջ: Այստեղ կան 9-10-րդ դարերի արձանագիր խաչքարերի բեկորներ միայն, իսկ եկեղեցու պատերի ու ավագ խորանի ճակատին ագուցվել են 14-17-րդ դարերի խաչքարեր, մի քանիսն արձանագիր:

Գ. Մեծ գերեզմանատուն: Տարածված է եկեղեցու հյուսիսում: Այստեղ կան բազմաթիվ խաչքարեր եւ տապանաքարեր, մեծ մասամբ հմուտ վարպետների ձեռքերով շինված: Առանձնապես հետաքրքիր են տապանաքարերի վրայի կենցաղային քանդակներն իրենց բազմազանությամբ ու հմուտ կատարումով: Այս գերեզմանատան մեջ կան Պուղիկյան մելիքական տոհմին պատկանող բազմաթիվ հուշարձաններ, իսկ Մելիք Թանկրիդուլու ընտանիքինը գտնվում է գերեզմանատան արեւմտյան եզրին՝ եկեղեցու պատի մոտ: Մեր կողմից վերծանված է 41 արձանագրություն, որոնք մինչ այժմ հրատարակված չեն եղել»,-գրում է Սեդրակ Բարխուդարյանը:

Եթե Բարխուդարյանը Վերին Ծովինարը կամ Փառականիքը նշում է որպես անմարդաբնակ գյուղ, ապա նշանակում է, որ նա այս բնակավայրի հուշարձաններ է այցելել 1950-1960-ական թվականներին, երբ նրա բնակիչները ՀԽՍՀ մինիստրների խորհրդի որոշմամբ արդեն տեղափոխվել էին բնակության այլ վայրեր:

Սեդրակ Բարխուդարյանը նաեւ նշում է, որ Մեսրոպ Սմբատյանցի կողմից Փառականքում հիշատակված «Իմ որդի Տաճատի հարսանիքին...» բովանդակությամբ արձանագրություն տեղում չի գտնվել, իսկ ահա երվանդ Լալայանի հիշատակած «Աստուծով մեք Դավիթ էրեցս եւ որդիքս Սուրբան զուլի եղիշի թոռն Դալամին...» բովանդակությամբ արձանագրությունն ինքն անծանոթ գտել ու վերծանել է Գթաշեն գյուղատեղի ավերակներում, որը Փառականքից գտնվում է 15-20 կիլոմետր հեռավորությամբ, Լճավան գյուղի մոտակայքում:

Սուրբ Պողոս-Պետրոս եկեղեցու հյուսիսային պատից բացվող մուտքի շինությունը, որը համարվում է երկրորդ խորանը, ծածկված է հսկայական չափերի սալաքարերով:

Հնավայրի ամենաուշագրավ ու տապալորիչ հուշարձանը գտնվում է Պողոս -



Պետրոս եկեղեցուց դեպի հարավ-արեւմուտք, հին գերեզմանատան մեջ: Այն մի հսկայական չափերի խաչքար է՝ մոտ երեքուկես մետր բարձրությամբ, ավելի քան 1,5 մետր լայնությամբ ու հոյակապ քանդակներով: Այն, կարելի է ասել, Գեղարքունիքի մարզի հազարավոր խաչքարերի մեջ առանձնանում է թե՛ իր մեծությամբ, թե՛ քանդակների շքեղությամբ: Նրա աջուձախ կողմերում կան կոտրված խաչքարաբեկորներ: Այս շքեղ հուշարձանի ստորին մասում, ծախ կողմի անկյունում արձանագրված է. «Յաշխարհակալություն Ապողա Ղանին, ի պարոնություն Պռոշա, եպիսկոպոսության Տեր Գրիգորայ, ես, Մանուչա, կանկնեցի գիսաչս յիշատակ ինձ եւ ծնողաց իմոց: Յիշեցեք. թվ. 1273»:

Ինչպես պարզվում է, 13-րդ դարում այս գյուղը պատկանել է Պռոշյան իշխաններին, իսկ ահա հետագայում արդեն այն անցել է Օրբելյաններին՝ դառնալով Արատեսի վանքին հարկատու բնակավայր:

Մեկը մյուսից ոչ պակաս շքեղ ու գեղեցիկ են նաեւ մյուս խաչքար-տապանաքարերը, որոնց արձանագրությունները նաեւ արժեքավոր տեղեկություններ են պարունակում գյուղի պատմական անցուդարձերի, նրանում ապրող մարդկանց մասին: Ահա դրանց բովանդակությունը:

«Ես Մելիք Թանկրիդուլու, որդի Մելիք Ղուկասին, թոռն Աղբուղին, կանկնեցի խաչս ի փրկություն հոգվոյ իմոյ. թվ. 1451»:

«Ես Մելիք Թանկրիդուլու, կանկնեցի Սուրբ հաչս ի փրկություն հոգվոյ պարոն Խոնձատին, որ է ամուսին իմ եւ դուստր մելիք Խուստաթախշին. թվ. 1466»:

«Թվ. 1521 Ի հոր իմ՝ Ղուկաս աղին կ. /60/ տարի մեկություն արարե»:

«Սուրբ հաչս բարեխոս Վասակ քահանային. թվ. 1547»:

«Այս է հանգիստ պարոն Ղասուսին, որդի մելիք Թանկրիդուլին, թոռն մելիք Ղուկասին, որ փոխվեցավ ի Քրիստոս 1466 թվականին»:




Որոշ արձանագրություններում նկատելի են ողբերգական շեշտեր: «Այս է հանգիստ Լեւիջանին, որդի Մելիք Թանկրիդուլին, թոռն մելիք Ղուկասին, որ Լ /30/ ամեայ փոխվեցավ ի Քրիստոս: Այս Բ /2/ եղբարք մահով մեռան թվ.1536»:

«Այս է հանգիստ Մելիքաեկին, որդի Ղուկաս Աղին, եղբայր մելիք Թանկրիդուլին, որ երեսնամեայ փոխվեցավ ի Քրիստոս, երդ սուր անմխիթար. թվ. 1457»:

Վիմագիր որոշ արձանագրություններ էլ փաստում են, որ Սյունյաց աշխարհի այլ գավառներից Փառականք բնակության եկել այլ ընտանիքներ, ու նրանց եկվոր լինելը շեշտվել է անգամ գերեզմանաքարերին: Ավելին, եկվորները թաղվել են տեղացիների շիրիմներից առանձնացված հատվածում, եկվոր Սուսահիբի ընտանեկան գերեզմանների շարքում:

/շարունակությունը՝ էջ 5-ում/



ԾԱԿԱՐՈՒՄ ՄԵԿՆԱՐԿԵԼ ԵՆ ՄԻ ՇԱՐՔ ՓՈՂՈՑՆԵՐԻ ՀԻՄՆԱՆՈՐՈԳՄԱՆ ԱՇԽԱՏԱՆՔՆԵՐԸ

Գեղարքունիքի մարզի Մարտունի համայնքի Ծակքար գյուղում 33 կառավարության կողմից 2024 թվականին իրականացվող սուբվենցիոն ծրագրերի շրջանակներում մեկնարկել եւ ընթանում են մի շարք փողոցների հիմնանորոգման աշխատանքները:

Ինչպես տեղեկացրին Մարտունու համայնքապետարանի աշխատակազմից, Ծակքարի փողոցների հիմնանորոգման ծրագրի պայմանագրային արժեքը կազում է 147 միլիոն 968 հազար դրամ, որի 50 տոկոսը հատկացնում է 33 կառավարությունը, 50 տոկոսը՝ Մարտունու համայնքապետարանը:

Ծրագրով նախատեսվում է ասֆալտապատմամբ հիմնանորոգել 5-րդ փողոցը, 7-րդ փողոցի 1-ին նրբանցքը, 8-րդ փողոցի 1-ին, 2-րդ փողոցի առաջին ու 4-րդ փակուղիները, 10-րդ փողոցից 6-րդ փողոցին միացվող ճանապարհ

հա հատվածը 1875 մետր ընդհանուր երկարությամբ եւ 8437 քառակուսի մետր մակերեսով: Նախատեսված է նաեւ 200 մետր երկարության հեմապատի կառուցում 7-րդ փողոցում, ջրահեռացման համակարգի տեղադրում:

Շինարարական աշխատանքները մեկնարկել են 2025 թվականի հունիսի 10-ից, հենա-



պատի կառուցմամբ, որի ավարտից անմիջապես հետո կծեռնարկվեն ճանապարհների հողային հարթեցման, ավագակառուցային հիմքի տեղադրման, որոշակի հատվածներում մետաղյա խողովակներով կամ կիսախողովակներով ոռոգման ու ջրահեռացման առուների կառուցման, ասֆալտապատման ու այլ կարգի աշխատանքներ:

Շինարարական աշխատանքները նախատեսված է ավարտի հասցնել 2025 թվականի ընթացքում:

Շինարարությունը իրականացնում է «Շանթ-Սեյրան» ՍՊԸ-ն:

«Գեղամա աշխարհ»

ԳԱՎԱՌԻ ՀԱՄԱՅՆՔԱՊԵՏԱՐԱՆԸ ԿԱՊԻՏԱԼ ՈՒ ԸՆԹԱՅԻՆ ԴՐԱՄԱՇՆՈՐՀՆԵՐ Է ՀԱՏԿԱՅԻՆԵԼ ՆՈՐԱՏՈՒՄԻ ԹԻՎ 2 ՄԱՆԿԱՊԱՐՏԵԶԻՆ



Գեղարքունիքի մարզի Գավառի համայնքապետարանը կապիտալ ու ընթացիկ դրամաշնորհներ է հատկացրել Նորատուսի թիվ 2 մանկապարտեզին հաստատությունում առկա խնդիրները կարգավորելու եւ աշխատանքային պայմանները բարելավելու նպատակով:

Հատկացնում են Գավառ համայնքի 2024 թվականի բյուջեից: 1

միլիոն 110 հազար դրամ կապիտալ դրամաշնորհի շրջանակներում ձեռք են բերվել 2 հատ մանկական պահարաններ, 2 հատ գրասենյակային աթոռներ, նվազարկիչ, դարակաշար, փոշեկուլ, 2 աշխատանքային գրատախտակ, 2 ջեռուցման կաթսա, խոհանոցի համար մետաղական սեղան եւ խոտինձիչ բալային տարածքների մաքրման համար:

Իսկ ընթացիկ դրամաշնորհով, 940 հազար դրամի հատկացմամբ, իրականացվել են մանկական, գրասենյակային աթոռների եւ ջեռուցման կաթսայի վերանորոգման աշխատանքներ, ձեռք են բերվել խաղալիքներ:

Ավարդ Մանուկյան

ՓԱՌԱՎԱՆՔ ԿԱՄ ՎԵՐԻՆ ԾՈՎԻՆԱՐ

/սկիզբը՝ էջ 4-ում/

«Կամավն Աստծոյ եւ Շահնատարս եւ կողակիցն իմ Իփակն ի գեղջեն Վաղաթնոյ կանկնեցաք Սուրբ Խաչս բարեխոս որովոյ մերոյ էվագին. թվ 1661»:

«Կամավն Աստծոյ եւ Մեհրապս որդի Խոշնատարին, գեղջեն Վաղաթնոյ, կանկնեցի Սուրբ Խաչս բարեխոս որովոյ իմոյ Աստվածատուրին. թվ. 1664»:

«Այս է հանգիստ Մուսահիրին, որդի Խանին, գեղջեն Վաղաթնոյ թվ. 1688»:

«Այս է հանգիստ պարոն Լալին, որդի մելիք Տաթլուին, գեղջեն Գորեսոյ, եկեալ աստ եւ շինել տուն անգալ գերան ի գլխուն եւ մեռալ»:

Պարոն Լալը, որպես Վաղաթին գյուղին մոտիկ Գորեսոյ եկած մարդ, թաղվել է վաղաթնեցիների կողքին:

Բավականին հետաքրքիր տվյալներ են այս բնակավայրի գործունեության մասին հաղորդում գերեզմանաքարերին պահպանված մահվան թվականները, որոնք սկսվում են 13-րդ դարից ու ավարտվում 18-րդ դարով: Այսպես, Մանուչայի կողմից կանգեցված խաչքարը թվագրվում է 1273 թվականով, Մոճամի խաչքարը՝ 1708 թվականով: 1701 թվականին մահացել է Տեր Ավետիսի կին Յեղնարը, 1702 թվականին՝ նրա որդի Թաթնուրը:

Ու հետաքրքիր է, որ Փառականքում կյանքը շարունակվել է նույնիսկ պարսից Շահ Աբասի կողմից 1604-1605 թվականներին կազմակերպած մեծ բռնագաղթից հետո, ավել քան մեկ դար տեւողությամբ:

Ամենայն հավանականությամբ, այստեղ կյանքն ընդհատվել է 18-րդ դարի առաջին կեսերից, երբ պարսկությանը են ավարտվել Սյունիքում ու Արցախում հայերի կողմից բարձրացված ազատագրական շարժումները, իսկ լեզգիներն ու մահմեդական այլ

ցեղերը ասպատակ են սփռել հայկական գավառներում, այդ թվում Գեղարքունյաց գավառում:

Նույն այս հնավայրում, ավերակ մատուռի ու Մանուչայի շքեղ խաչքարի կողքին վեր է բարձրանում երկաթակուռ մի հուշարձան, որը հավերժացնում է Հայրենական մեծ պատերազմում զոհված Փառկունիքի կամ Կարմրաշենի 18 զավակների հիշատակը: Հուշարձանը տեղադրվել է Փառակունիքի կամ Կարմրաշենի գավակ, Մեծ հայրենականում զոհված խաչիկ Գասպարյանի որդի Ռուբենի կողմից:

Փաստորեն, լեռների մեջ ծվարած այս գյուղը հայրենիքի պաշտպանության համար մի քանի տասնյակ զինվոր էլ է տվել, որոնցից 18-ը տուն չեն վերադարձել ռազմադաշտերից: Նրանք են՝ խաչիկ եւ Գուրգեն Գասպարյանները, Գրիգոր, Դավիթ, Հայրիկ, Գվիղոն Աբրահամյանները, Նիկոլայ, Վանո Սահակյանները, Արտուշ, Արմենակ Գալստյանները, Բարեղամ Բարեյանը, Վանո Սաֆարյանը, Սոս եւ Միրզաջան Սարգսյանները, Գառնիկ Հակոբյանը, Անդրանիկ Խաչատրյանը, Մարտիրոս Կարապետյանը եւ Արմենակ Բարսեղյանը:

Պողոս-Պետրոս եկեղեցու հյուսիսային մասում տարածվող պատմական գերեզմանոցն ընդարձակված է 1890 թվականին Ծովինարից Փառականքում վերաբնակություն հաստատած ու գյուղին նոր շունչ տված մարդկանց շիրիմներով, որոնց սերունդներն այժմ ապրում են Հայաստանի Հանրապետության այլ մարզերում կամ աշխարհի տարբեր վայրերում: Սակայն, ինչպես վկայում են Մեծ հայրենականում զոհվածների հուշարձանի տեղադրման ձեռնարկը եւ պահպանված-խնամված տեսք ունեցող շիրմաքարերը, նրանց հետնորդները չեն մոռացել իրենց պատերի շենը, իրենց արմատները, տառապանքով ու արարչագործությամբ կերտված պատմությունը, իրենց հոգիներում մայրական կաթի ու ծնողական սիրո պես սերմանված սրբավայրը:

Մեզ հաջողվեց նաեւ պարզել, որ Փառականք-Վերին Ծովինար-Կարմրաշեն բնակավայրից ընդամենը 1 ընտանիք է 1949 թվականին բնակության տեղափոխվել Մարտունու շրջանի Ծովինար գյուղ: Եվ դա եղել է Հրանտ Տոնոյանի ընտանիքը, ում որդի Սուր կամ Նիկոլայը մինչ այժմ ապրում է՝ բոլորելով իր կյանքի 89 ամյակը: Սոսի հայրը զոհվել է Հայրենական մեծ պատերազմում, իսկ նա Ծովինար բնակության է եկել իր մոր Ազիզի հետ:

Հայրենական մեծ պատերազմի զոհերի հուշարձանին Հրանտ Տոնոյանի անուն-ազգանունը գրված է մեկ այլ՝ Սոս Սարգսյան տարբերակով: Ի դեպ, Ազիզը մահացել է 1975 թվականին ու, իր պատգամով, ամփոփվել Վերին Ծովինարի գերեզմանատանը: Ու պատահական չէ, որ Ծովինարում Սոսին երկար տարիներ փաղաքշորեն անվանում են «Վերին գյուղի նախագահ», այն հաշվով, որ նա շարունակում է մարմնավորել Վերին Ծովինար-Փառականքի հիշողությունը:

Սոս Տոնոյանի հետ մեր հանդիպումը կայացավ իր տանը, ուշ երեկոյան: Նա վառ հիշում էր իր մանկությունը, անգամ՝ դպրոցական տարիները, երբ հաճախել է Կարմրաշենի կամ Վերին Ծովինարի յոթնամյա դպրոց:

«Ես Վերին գյուղում եմ ստացել յոթնամյա կրթություն: Շատ վառ եմ հիշում իմ ուսուցիչ Գարսեւան



Գաբրիելյանին, որ մեզ պատմություն էր դասավանդում: Սիմոնյան Արտաշին էլ եմ լավ հիշում: Դպրոցի շենքը իջնում էր դեպի ձորը: Հորս տարել էին պատերազմ, մորս հետ մնացել էինք ես ու քույրս: Հաց չէր ճարվում, մեր հիմնական սնունդը կարտոֆիլն էր, որը առատորեն ունեինք, քանի որ մեր բոստանում ցանում էինք: Քույրս հինգ տարեկան հասակում ծանր հիվանդացավ, նրա կյանքը չկարողացան փրկել, ու մնացինք ես ու մայրս: Երբ բնակվելու եկանք Ծովինար, արդեն ավարտել էի յոթնամյա դպրոցը, իսկ միջնակարգ կրթություն չկարողացա ստանալ, քանի որ դրա համար միջոց չունեինք: 15 տարի աշխատել եմ Մարտունու անտառտնտեսությունում, հազարավոր ծառեր տնկել ու խնամել: Հետո աշխատանքի եմ անցել Ծովինարի սովխոզում: Հենց այդ ժամանակ էր, որ անունս կնքեցին «Վերին գեղի նախագահ»:

Սիլուս էինք բարձում մեր հին գյուղի տարածքից, ես կատակով ասացի, որ առանց իմ թույլտվության ոչ մի շյուղ կանաչ այստեղից չի տարվի, քանի որ այս գյուղի միակ տերը ես եմ մնացել: Ավելի քան 30 տարի էլ աշխատել եմ էլեկտրական ենթակայանում: Ամուսնացել եմ Ծովինարից Գեղեցիկ Օհանյանի հետ, համատեղ կյանքում ունեցել ենք 5 երեխա, 10 թոռ: Մայրս մահից առաջ պատգամեց, որ իրեն ամփոփենք Կարմրաշենի գերեզմանոցում, իր հինգ եղբայրների կողքին, ովքեր մահացել են երիտասարդ տարիքում: Իսկ ես միշտ կարոտով եմ հիշում մեր գյուղը, ամեն անգամ այցելելիս մի տեսակ մանկանում ու երջանկանում: Եկող փետրվարին կբոլորեմ կյանքիս ինը տասնամյակը, ու շատ գոհ, բավարարված եմ իմ ապրած կյանքով, իմ սերունդներով, այնքանով, որ մենք համապագայից հացն աշխատել ենք մեր արդար քրտինքով, պատմեց Սոս Տոնոյանը:

Հրաժեշտից առաջ Սոսն իր սենյակի պատից իջեցրեց, ընդունարան բերեց ու ցուցադրեց ռազմադաշտից այդպես էլ տուն չվերադարձած իր հոր լուսանկարը, որը մեծացրել, տեղադրել է շրջանակի մեջ եւ տասնամյակներ շարունակ այնքան պահպանում է ամենայն խնամքով:

Խոսրով Խլղաթյան



ՆԵՐՔԻՆ ԳԵՏԱՇԵՆԻ ԹԻՎ 2 ՄԻՋՆԱԿԱՐԳ ԴՊՐՈՑԻ ԱՇԱԿԵՐՏՆԵՐԸ ԴԱՁԵԼ ԵՆ ՄԻՋԱԶԳԱՅԻՆ ՄՐՅՈՒՅԹ-ՑՈՒՑԱՀԱՆՐԵՍԻ ՄՐՅԱՆԱԿԱԿԻՐՆԵՐ

ՀՀ ԿԳՄՍ նախարարության աջակցությամբ եւ «Արիւնստագործների միություն» մշակութային հիմնադրամի նախաձեռնությամբ Հայաստանի նկարիչների միությունում տեղի են ունեցել «Խաղաղություն» միջազգային մանկապատանեկան ստեղծագործական մրցույթ-ցուցահանդեսի եզրափակիչ ցուցադրությունն ու հաղորդների պարգևատրման հանդիսավոր արարողությունը:

Միջոցառմանը ներկա է եղել ԿԳՄՍ նախարար Ժաննա Անդրեասյանը:

Մրցույթ-ցուցահանդեսը միավորել է Հայաստանի եւ աշխարհի տարբեր երկրների եգիպտոսի, Մեծ Բրիտանիայի, ԱՄՆ-ի, Ֆրանսիայի, Ուզբեկստանի, Թուրքիայի, Հունաստանի, Ռուսաստանի, Վրաստանի, Իսպանիայի եւ Ավստրիայի ավելի քան 1500 շնորհալի երեխաների՝ երկու տարիքային խմբեր:



րում (մինչեւ 10 եւ 10–15 տարեկան), որոնք իրենց արվեստով փոխանցել են խաղաղության, համերաշխության եւ մարդասիրության կարեւորագույն արժեքները:

Մարտունի համայնքի Ներքին Գետաշենի Ա.Եղիազարյանի անվան թիվ 2 միջնակարգ դպրոցի հինգ աշակերտ անցել են մրցույթի եզրափակիչ փուլ, որոնցից երկուսը նվաճել են պատվավոր հորիզոնականներ: Ավագ խմբի առաջին մրցանակին արժանացել է Անգելինա Նավոյանը, իսկ կրտսեր խմբի երկրորդ մրցանակին՝ Արսինե Աբելյանը: Իսկ նույն դպրոցի սաներ ելեւա Բարսեղյանը, Մարկ Հակոբյանը եւ Ալյոնա Գրիգորյանը՝ ստացել են պատվոգրեր եւ գրքեր: Նրանք նույն դպրոցի ուսուցչուհի, նկարիչ Նեկտար Սահակյանի ղեկավարած նկարչական խմբակի սաներն են:

«Գեղամա աշխարհ»

ՏԵՂԻ Է ՈՒՆԵՑԵԼ ՍԵՎԱՆԻ ՆՈՐԱՍՏԵՂՉ «ԱՌԱՔՍ» ԱԿՈՒՄԲԻ ԱՌԱՋՆԱԽԱՂԸ

Հունիսի 22-ին «Առաքս» ֆուտբոլային ակումբի հիմնադրման առթիվ Լճաշենի ֆուտբոլի մարզադաշտում ընկերական հանդիպումներ են անցկացվել Սեւանի մանկապատանեկան մարզադպրոցի «Սեւան», նորաստեղծ «Առաքս», Հրազդանի «Աղբյուրակ» եւ «Ախթալա» ֆուտբոլային ակումբների միջեւ:

Նորաստեղծ «Առաքս» ակումբը նպատակ ունի հանդես գալ Հայաստանի առաջնություններում, Սեւանի տարածաշրջանի բոլոր բնակավայրերում զարգացնել մանկապատանեկան ֆուտբոլը, խրախուսել առողջ ապրելակերպը եւ պատանիների շրջանում բացահայտել լավ ֆուտբոլիստների՝ հետագայում նրանց ուղղորդելով ավելի մեծ բարձունքներ:

Բացի ակումբի հիմնադիր Արթուր Կարապետյանից, «Առաքս» ֆուտբոլային ակումբի ստեղծման ակումբներում է կանգնած նաեւ Մարտիկ Կարապետյանը, ով ապրում է Ռուսաստանի Դաշնությունում: Նորաստեղծ թիմին աջակցում են նաեւ բազմաթիվ սոցիալական եւ կազմակերպություններ: Ավագ մարզիչն է Միքայել Բաբաջանյանը, մարզիչը՝ Կարեն Կարապետյանը, դարպասապահների մարզիչը՝ Արտյոմ Կարապետյանը:

«Առաքս» ֆուտբոլային ակումբի փոխնախագահ Աղաբեկ Դավթյանի խոսքով՝ անելու են հնարավորը, որպեսզի գյուղական բնակավայրերի պատանիների շրջանում հետաքրքրություն առաջացնեն ֆուտբոլ մարզաձեւի նկատմամբ:

Վերջին օրերին ակումբը որոշ բարեկարգումներ է իրականացրել Լճաշենի մարզադաշտում:

«Առաքս»-ը սկզբնական շրջանում մարզումները կանցկացնի Լճաշենի մարզադաշտում, որտեղ էլ կայացել են առաջին ընկերական հանդիպումները: Մինչեւ խաղերի մեկնարկը հնչել է ՀՀ հիմնը եւ բարձրացվել ՀՀ պետական դրոշմ ու «Առաքս» ակումբի դրոշմ՝ ազդարարելով խաղերի մեկնարկը:



Չորս թիմերի ընկերական հանդիպումներից հետո թիմերը, լավագույն խաղացողներն ու մարզիչները պարգևատրվել են պատվոգրերով, մեդալներով, գավաթներով եւ հուշանվերներով:

ՎԱՐԴԵՆԻՍԻ ԵՐԱԺՇՏԱԿԱՆ ԴՊՐՈՑՆԵՐԻ ՍԱՆԵՐԸ ՄՐՅԱՆԱԿՆԵՐ ԵՆ ՆՎԱՁԵԼ ԱՐԿԵՏԻ ՄԻՋԱԶԳԱՅԻՆ ՓԱՌԱՏՈՒՄ



Գեղարքունիքի մարզի Վարդենիս համայնքի թիվ 1 եւ 2 մանկական երաժշտական դպրոցների սաները մրցանակներ են նվաճել վերջերս կայացած «Արտ Մյուզիք» արվեստի միջազգային 16-րդ մրցույթ-փառատոնում:

Ինչպես տեղեկացրին Վարդենիսի համայնքապետարանի աշխատակազմից, Վարդենիսի թիվ 1 մանկական երաժշտական դպրոցի սան Լինա Հակոբյանը «Դաշնամուր» անվանակարգում դարձել է առաջին կարգի մրցանակակիր: Նույն հաստատությունից երկրորդ կարգի մրցանակակիր է դար-

ձել Նարե Գաբոյանը, երրորդ կարգի մրցանակակիրներ Ջուլիետա Կարապետյանը եւ Ռիմա Սարիբեկյանը:

Վարդենիսի թիվ 2 մանկական երաժշտական դպրոցի առաջին կարգի մրցանակի է արժանացել Վահրամ Մկրտչյանը:

Վարդենիս համայնքի ղեկավար Ահարոն Խաչատրյանն այս հաղթանակների առիթով ընդունել եւ շնորհավորել է Վարդենիսի թիվ 1 եւ թիվ 2 մանկական երաժշտական դպրոցների տնօրեններ Աիդա Սաղաթեյանին, Արեւիկ Ասատրյանին, մանկավարժներին եւ դպրոցի շնորհալի սաներին՝ նրանց խրախուսելով նվերներով:

Խոսքով Խաչատրյան

ՍԵՎԱՆԻՑԵԼ Է ՍԵՎԱՆ ԲԱՂԱՔԻ ԳԵՂԱՄԱ ՓՈՂՈՑԻ ՀԻՄՆԱՆՈՐԴՈՒՄԸ

Գեղարքունիքի մարզի Սեւան քաղաքում ՀՀ կառավարության կողմից 2025 թվականին իրականացվող սուբվենցիոն ծրագրերի շրջանակներում մեկնարկել եւ ընթանում են Գեղամա փողոցի հիմնանորոգման աշխատանքները: Գեղամա փողոցի հիմնանորոգման ծրագրի պայմանագրային արժեքը կազմում է 69 միլիոն 954 հազար դրամ, որի 50 տոկոսը հատկացվում է ՀՀ կառավարությունը, 50 տոկոսը՝ Սեւանի համայնքապետարանը:

Ծրագրով նախատեսվում է իրականացնել քանդման, հողային, ճանապարհային պատվածքի, ուղիների եւ մուտքերի, մայրերի հիմնանորոգման,

դիտահորերի պատերի ամրացման, կափարիչների, եզրաքարերի, եզրաքարերի, նոր մետաղական խողովակների տեղադրման, ջրամեկուսացման ու այլ կարգի աշխատանքներ: Հիմնանորոգվող ճանապարհի մակերեսը կազմելու է 3841 քառակուսի մետր:

Հիմնարարական աշխատանքներն իրականացվում են «Ճան-Շին» ՍՊԸ կապալառու կազմակերպության կողմից:

«Սեւան համայնքի փողոցների հիմնանորոգման աշխատանքներ» սուբվենցիոն ծրագրի շրջանակներում Գեղամա փողոցի հիմնանորոգման աշխատանքները հաջորդել են Սպանդարյան, Կարմիր բանակի, Օրբելի, Իսահակյան փողոցների ասֆալտապատման աշխատանքներին:

Հիմնարարական աշխատանքները նախատեսվում է ավարտել այս տարվա ընթացքում:

Այս ծրագրի մյուս ենթաօբյեկտները ներառում են Սեւան քաղաքի Ռուսական, Արմյան, Սալաթ-Նովա, Սյունյաց փողոցները, որոնց հիմնանորոգման մեկնարկը եւս կտրվի առաջիկայում:

Արմինե Ղուկասյան



«ՄՇԱԿՈՒԹԱՅԻՆ ՎԵՐՋԻՆ ԶԱՆԳ» ՄԻՋՈՑԱՌՄԱՆ ՀԱՂԹՈՂՆԵՐԸ

ՀՀ կրթության, գիտության, մշակույթի եւ սպորտի նախարարության հայտարարած մշակութային կրթության տարվա շրջանակում անցկացվել է «Մշակութային վերջին զանգ» մրցույթը:

ՀՀ ԿԳՄՍ նախարարի հրամանով հաստատված «Մշակութային վերջին զանգ» միջոցառումների մրցութային հանձնաժողովն ամփոփել է արդյունքները՝ ըստ սահմանված գնահատման սանդղակի: Ժյուրիի գնահատման հիման վրա յուրաքանչյուր մարզում, ինչպես նաեւ մայրաքաղաքում հաղթող է ճանաչվել երկու դպրոց:

Գեղարքունիքի մարզից այս մրցույթին հաղթող են ճանաչվել Կարմիրգյուղ գյուղի թիվ 2 միջնակարգ եւ Գավառի Ս. Քոչարյանցի անվան թիվ 1 հիմնական դպրոցները:


«Մշակութային վերջին զանգ» մրցույթին դպրոցները մասնակցել են կամավորության սկզբունքով՝ ներկայաց-



նելով համապատասխան հայտ մինչեւ 2025 թվականի մայիսի 29-ը ներառյալ: Հայտը ներառում էր միջոցառման ծրագիրը, 10 լուսանկար միջոցառումից, ինչպես նաեւ՝ մինչեւ 10 րոպեանոց տեսագրություն:

Հետգրությունը «Գեղամա աշխարհ» թերթը շնորհավորում է հաղթած դպրոցների տնօրինություններին, ուսուցիչներին ու աշակերտներին, մաղթում հետագա հաջողություններ ու ձեռքբերումներ:

«Գեղամա աշխարհ»



ՍԵՎԱՆ ՀԱՄԱՅՆՔՈՒՄ ԱՄՓՈՓՎԵԼ ԵՆ «ԵՄ ԿԱՅՈՒՆ ԷՆԵՐԳԻԱ-2025» ԾՐԱԳՐԻ ՄՐՑՈՒՑԹՆԵՐԻ ԱՐԴՅՈՒՆՔՆԵՐԸ

Գեղարքունիքի մարզի Սեւան համայնքում ամփոփվել են «ԵՄ Կայուն էներգիա-2025» ծրագրի միջոցառումների շրջանակներում հայտարարված մրցույթների արդյունքները:

Արդեն ավանդական դարձած «ԵՄ Կայուն էներգիայի շաբաթ» ծրագրին Սեւան համայնքը 5-րդ անգամ է միացել: «Կայուն էներգիայի շաբաթվա» թեմային համահունչ նախապատրաստվել է անցկացվել են մի շարք միջոցառումներ, որոնց մեկնարկը տրվել է 2025 թվականի մայիսի 14-ին:

Սեւան համայնքում անցկացվել են շուրջ 20 միջոցառում եւ նախաձեռնություն, որոնց արդյունքներն ամփոփվել են հունիսի 19-ին:

Սեւանի Հովի. Այվազովսկու անվան արվեստի դպրոցի հարկի տակ հավաքվել են «ԵՄ Կայուն էներգիայի օրերի» մասնակիցները, մրցույթների հաղթողները, որոնց շնորհվել են համապատասխան մրցանակները:

Սեւանի համայնքապետարանի աշխատակազմի քարտուղար Արմենուհի Ղուկասյանը շնորհակալություն է հայտնել բոլոր մասնակիցներին կարելու ընդ «ԵՄ Կայուն էներգիայի օրերի» անցկացումը եւ դրա նշանակությունը, ապա ներկայացրել այն աշխատանքները եւ միջոցառումները, որոնք այս տարի մեկ ամսից ավելի անցկացվել են տարբեր հաստատություններում, կազմակերպություններում:

Սեւանի համայնքապետարանի կողմից պատվոգրեր եւ հուշանվերներ են ստացել այն կազմակերպությունները, հաստատությունները եւ անհատները, որոնք ցուցաբերել են նախաձեռնություն եւ հեղինակել տարբեր միջոցառումներ:



Շնորհակալագրերի են արժանացել մրցույթներին հայտ ներկայացրած եւ հաղթած երեխաների դասատուները: Նրանց եւս հանձնվել են հուշանվերներ:

Հավաստագրեր եւ հուշանվերներ են հանձնվել նաեւ Սեւան համայնքում մեկ ամսվա ընթացքում հայտարարված տեսանյութերի, նկարչական եւ լուսանկարչական աշխատանքների մրցույթներում լավագույն արդյունքներ ապահոված հեղինակներին:

Պարգևատրված մասնակիցները ներկայացրել են իրենց աշխատանքները եւ շնորհակալություն հայտնել կազմակերպիչներին՝ իրենց աշխատանքը զմահատելու եւ հանրայնացնելու համար:



Եւսմ օրը Սեւանի Հովհաննես Այվազովսկու անվան արվեստի դպրոցում տեղի է ունեցել տարեկան շաբաթվա հաշվետու ցուցահանդես: Ճեմասրահում ցուցադրվել են ուսումնական տարվա ընթացքում ստեղծված նկարչական եւ ձեռագործ աշխատանքներ:

Ցուցահանդեսի ընթացքում դպրոցի տնօրեն Հ. Խանդանյանի կողմից պատվոգրեր են հանձնվել մրցույթներին մասնակցություն ունեցած եւ բարձր հորիզոնականներ զբաղեցրած աշակերտներին եւ մրցույթներին բարձր ցուցանիշներ ապահոված նկարչության դասատու Գայանե Գասպարյանին:

Ցուցահանդեսի ընթացքում համայնքի ղեկավար Սարգիս Մուրադյանի կողմից պատվոգիր է հանձնվել Հովհաննես Այվազովսկու անվան արվեստի դպրոցին՝ «ԵՄ Կայուն էներգիայի շաբաթ» միջոցառումներին ակտիվ մասնակցության եւ նախաձեռնության համար:

Շնորհակալագրեր են հանձնվել նաեւ նկարչական դասարանների դասավանդողներ Գայանե Գասպարյանին, Սյուզի Ավետիսյանին եւ Էմմա Գալստյանին:

Համայնքի ղեկավարի կողմից հավաստագրեր են հանձնվել նաեւ դպրոցի աշակերտներ Միշել Գրիգորյանին, Լաուրա Թովմասյանին, Սոնա Բադալյանին, Լիլիթ Ղարիբյանին:

Արմինե Ղուկասյան

ՍԵՎԱՆ ՀԱՄԱՅՆՔԻ ԱՎԱԳԱՆԻ ԱՎԱՐՏԵԼ Է ԱՇԽԱՏԱՆՔԱՅԻՆ 7-ՐԴ ՆՄԱՇՐՁԱՆԸ



Տեղի է ունեցել Գեղարքունիքի մարզի Սեւան համայնքի ավագանու 7-րդ նստաշրջանի վերջին 5-րդ նիստը, որը վարել է Սեւան համայնքի ղեկավարի առաջին տեղակալ Արթուր Մարգարյանը:

Օրակարգային հարցերի հաստատումից հետո

ներկայացվել է Սեւան համայնքում 2026 թվականին իրականացվող բնապահպանական ծրագրի բովանդակությունը, որով նախատեսվում է Սեւան համայնքի 2-րդ եւ 3-րդ միկրոթաղամասերի միջնամասում գտնվող Պրահա-Վինոր կոչվող այգու տարածքի ամբողջական բարեկարգում եւ կահավորում:

Համայնքի ավագանու որոշմամբ հաստատվել է ներկայացված ծրագիրը:

Համայնքի ավագանու մեկ այլ որոշմամբ փոփոխվել է Սեւան համայնքի Ջովաբեր բնակավայրում գտնվող հողամասի նպատակային եւ գործառնական նշանակությունը:

Սեւան համայնքի ավագանին հերթական որոշմամբ «Ջինիշյան» հիշատակի հիմնադրամին եւ «Սեւան բժշկական կենտրոն» ՓԲԸ-ին անհատույց օգտագործման իրավունքով տրամադրել է տարածքներ՝ մեծահասակների եւ երեխաների վերականգնողական կենտրոնների գործունեությունը կազմակերպելու համար:

Ավագանու մեկ այլ որոշմամբ նախնական համաձայնություն է տրվել «ՈՒՍԼՈՒՔՍ» ՍՊԸ կողմից ՀՀ Գեղարքունիքի մարզի Սեւան համայնքի Լճաշեն բնակավայրում Պլտինի փողոց 5/1 հասցեում, նա-

խատեսված հանդիսությունների սրահի կառուցման նախագծային փաստաթղթերի շրջակա միջավայրի վրա ազդեցության գնահատման հաշվետվությանը:

Ավագանին հաստատել է նաեւ Սեւան համայնքի կողմից 2025 թվականի ապրիլ-հունիս ամիսներին համայնքային սեփականություն հանդիսացող օտարված գույքի գույքագրման փաստաթղթերը:

Նիստի վերջում ներկայացվել եւ քննարկվել են ֆիզիկական եւ իրավաբանական անձանց կողմից հասցեագրված դիմումները, որոնց տրվել են սպառնալից պատասխաններ:

Համայնքի աշխատակազմի կողմից ներկայացվել են Սեւան քաղաքում հուլիս ամսին սպասվող իրադարձությունները. տեղի է ունենալու Սեւանի Վ. Սարգսյանի անվան երաժշտական դպրոցի նոր շենքի բացման արարողությունը, մեկնարկելու է «Թափոնների տեսակավորումը սկզբնաղբյուրում» ծրագրի գործնական փուլը, այն է քաղաքում տեղադրվելու են տեսակավորման աղբարկղեր, քաղաքը ստանալու է հատուկ տրանսպորտային միջոց:

Սեւան համայնքի ավագանու 8-րդ նստաշրջանը կմեկնարկի սեպտեմբեր ամսին:

Արմինե Ղուկասյան

ԱՐԾՎԱՆԻՍՏԻ 20-ՐԴ ՓՈՂՈՑՈՒՄ ԳՆԱՍՏԱՐ Է ԿԱՌՈՒՑՎԵԼ

Գեղարքունիքի մարզի Մարտունի համայնքի Արծվանիստ գյուղի թիվ 4 եւ 24 փողոցներում ՀՀ կառավարության կողմից 2024 թվականին իրականացվող սուբվենցիոն ծրագրերի շրջանակներում ավարտին են մոտենում գազատարի կառուցման աշխատանքները:

Ինչպես տեղեկացրին Մարտունու համայնքապետարանի աշխատակազմից, Արծվանիստի 20-րդ փողոցի գազատարի կառուցման ծրագրի պայմանագրային արժեքը կազմում է 12 միլիոն 236 հազար դրամ, որի 60 տոկոսը հատկացնում է ՀՀ կառավարությունը, 40 տոկոսը՝ Մարտունու համայնքապետարանը:

Ծրագրով նախատեսված է գազատարի կառուցում 798 մետր երկարությամբ՝ վերգետնյա խողովակաշարով:

Ծրագրի իրականացման արդյունքում բնական գազով կապահովվեն 30-ից ավել տնտեսություններ:

Շինարարական աշխատանքները սկսվել են 2024 թվականի աշնանանից ու 2025 թվականի հունիսի 18-ի դրությամբ գտնվում են ավարտակա փուլում:

Շինարարությունը իրականացրել է «Նանաս» ՍՊԸ-ն:



ԼԻՃՔՈՒՄ ՀԻՄՆԱՆՈՐՈԳՎՈՒՄ Է ՋՈՐՍ ՓՈՂՈՑ

Գեղարքունիքի մարզի Մարտունի համայնքի լիճք գյուղում ՀՀ կառավարության կողմից 2023 թվականին իրականացվող սուբվենցիոն ծրագրերի շրջանակներում ավարտին են մոտենում Ա3 թաղամասի 13-րդ, Ա8 թաղամասի 1-ին, 4-րդ եւ 5-րդ փողոցների հիմնանորոգման աշխատանքները:

Ինչպես տեղեկացրին Մարտունու համայնքապետարանի աշխատակազմից, Լիճքի փողոցների հիմնանորոգման ծրագրի պայմանագրային արժեքը կազմում է 52 միլիոն 218 հազար դրամ, որի 50 տոկոսը հատկացնում է ՀՀ կառավարությունը, 50 տոկոսը՝ Մարտունու համայնքապետարանը:

Ծրագրով նախատեսված է Լիճքի Ա3 թաղամասի 13-րդ, Ա8 թաղամասի 1-ին, 4-րդ եւ 5-րդ փողոցների ասֆալտապատման աշխատանքներ 1150 մետր ընդհանուր երկարությամբ եւ 4750 քառակուսի մետր մակերեսով:

Շինարարական աշխատանքները մեկնարկել են 2025 թվականի մայիսի կեսերից եւ հունիսի 18-ի դրությամբ ավարտվել շուրջ 90 տոկոսով:



Շինարարական աշխատանքներն իրականացնում է «Շանթ –Սեյրան» ՍՊԸ-ն:

ԳԵՂԱՐՔՈՒՆԻՔԻ ՄԱՐԶԻՑ 2025 ԹՎԱԿԱՆԻ ԱՄԱՌԱՅԻՆ ՀԱՄԱՐՈՒՄ ԿԱՆԱԳՍԱՆԱՆ 240 ԴՊՐՈՑԱԿԱՆ

2025 թվականի հունիսի 20-ից մեկնարկել է «Դպրոցահասակ երեխաների ամառային հանգստի կազմակերպման ծրագիրը»:

Հունիսի 23-ին Գեղարքունիքի մարզից առաջին հերթափոխին Հանքավանի մանկական առողջարանական «Հասմիկ» ճամբար հանգստի են մեկնել 120 դպրոցական: Նրանց ուղեկցել են Գեղարքունիքի մարզպետի աշխատակազմի առողջապահության եւ սոցիալական ոլորտի հարցերի վարչության սոցիալական ոլորտի մասնագետները:

Առաջին հերթափոխի հանգիստը կավարտվի հունիսի 29-ին, իսկ հանգստի երկրորդ հերթափոխի ժամկետը, դարձյալ նշված ճամբարում, սահմանված է հունիսի 29-ից հուլիսի 8-ն ընկած 10-օրյա ժամանակահատվածում, որի ընթացքում Գեղարքունիքի մարզից իրենց ամառային հանգիստը կվայելեն եւս 120 դպրոցական:

Ըստ ՀՀ վարչապետի համապատասխան որոշման՝ «Ամառային հանգստի կազմակերպման ծրագրից»

կարող են օգտվել զոհված, հաշմանդամություն ձեռք բերած, հաշմանդամություն ունեցող զինծառայողների եւ աշխարհագորայինների, ծնողազուրկ, ընտանիքների անապահովության գնահատման համակարգում հաշվառված ու անապահովության 0-ից բարձր միավոր ունեցող, անապահովության գնահատման կարգով սոցիալապես անապահով ճանաչված եւ ընտանիքի մեկ հաշվարկային անդամի ամսական եկամտի չափը «Պետական նպաստների մասին» օրենքով եւ Հայաստանի Հանրապետության կառավարության որոշմամբ հաստատված կարգով անապահովության նպաստ ստանալու իրավունք տվող սահմանային շեմի 185 տոկոսի արժեքից ցածր եկամուտ ունեցող ընտանիքների, ինչպես նաեւ ազգային փոքրամասնությունների ընտանիքների 7-13 տարեկան դպրոցահասակ երեխաներ՝ երկու հերթափոխով, 10-ական օրով:

ՀՀ Գեղարքունիքի մարզպետի աշխատակազմ



Յերոսուբ նա չէ միայն, որ հրացանի ու փամփուշտի հետ գործ ունի, կամ կը նետովի արյունալի կռիվներու մէջ:

Յերոսուբ է նաեւ նա, որ իր կյանքի գնով կը պահպանէ հայ ցեղի նյութական եւ հոգեկան գանձերը, կամ հայրութեան կը նվիրէ իր միտքը՝ հալեցնելով եւ սպառնելով իր սեփական կյանքը:

Նման հերոս մըն էր Վարազայ վանքի հնամայն պահակը՝ «Պարոն Պետրոսը»՝ խիստ խոնարհ հերոս մը:

Ո՞վ չէր ճանչնար այդ հեզահամբույր, լռակցաց ու մշտաժպիտ ծերունին: Ո՞վ չէր վայելած անոր բարի հյուրընկալութիւնը, անոր հարազատ գործակնքը:

Ոչինչ ուներ սեփական: Այս կյանքէն նվեր ստացած էր միայն «Պարոն» իր անունէն անբաժան տիտղոսը եւ խրիմյան Յայրիկի բոլորանվեր վստահութիւնը: Իրավ, պարոն մըն էր մեղմ, բարեկիրթ եւ հոգով ազնվական:

Խրիմյան Յայրիկի հասցուցած սերունդին վերջին մոհիկաններէն էր: Ու ատոր համար կեա դարե ավելին ինքզինք բեւեռած էր երկգագաթ լեռան կրծքին հանգչող Վարազայ վանքին նվիրական քարերուն եւ լեռան ամեհի ժայռերուն, որոնք Վարազայ լեռան եղնիկներուն հետ կենդանի էին անոր համար:

Վասպուրականի արծաթաբայ վանքին անպաճույճ իշխանն էր նա: Բոլորն անխորժ վանահայր թէ միաբան, աղա թէ խոնարհ շինական անոր կը նայէին, անոր անբարբառ հրամանին կսպասէին: Իրեն վստահված սրբազան ավանդին արթուն պահակն էր:

Սուրբ մարդու անուն հանած էր: Յարգանք ու ակնածանք ունեին ոչ միայն վանքի բնակիչները, այլեւ քուրդն ու թուրքը՝ քաղաքէն եւ գյուղերէն: Բոլոր մարդիկ հավասար էին անոր աչքին: Կուսակալներու, քուրդ բեկերու հետ ճակատ ճակատի, հանդարտ, հավասար-

րի մը պես կը խոսէր մեղմորեն:

Փոքրահասակ էր, շիկավուն ճերմկով խառնված պեխեր՝ անոր տակ պահված իր մեղմանուշ բարի ժպիտով: Կապեր վանքին ամենէն անշուք խուցի մէջ, կուտէր մշակներուն հետ՝ երբ դաշտը կերթար ու կը վերադառնար անոնց հետ:

Արշալույսին աչքի կանցըներ վանքին կենդանիները, բարի ժպիտով բարի լույս կըսէր ամենքին ու դանդաղ հոգսերուն կերթար:

Քաղաք կիջներ ժամանակ առ ժամանակ հոգաբարձուները տեսնելու եւ զնուներ ընելու, բայց կարծես փշերու վրա՝ իսկույն կը փութար վանքը... Ու 60 տարի այսպէս:

Օր մը, երբ իջած էինք վանքին գոմէրը, ըսի իրեն կատակով.

«Այ Պարոն Պետրոս, զարմանալի մարդ ես դուն, քաղաք կիջնես, զոնե քանի մը օր հոն կեցիր, մարդ տես, բան հասկըցիր, վայելիր...»

«Ի՞նչ վայելեմ, ի՞նչ կա, որ հասկընամ... տխրութեամբ պատասխանեց ինձի, որքան հեռու մարդոցմե, այնքան լավ: Յայրիկը այս վանքը ավանդ ձգած է, իսկ դուք միշտ բաց պիտի մնա, իսկ անցորդը պիտու՞մ մը հաց պիտի կտրէ: Դու ծերը, ես էլ իմ պարտականութիւնները ունիմ...»

Վանքին յուրաքանչյուր քար խորհուրդ մըն էր անոր համար, խոսուն ու կենդանի պատմիչ մը լուսավոր ու փառավոր անցյալէն:

Թանգարանին քով, շենքի երկրորդ հարկին վրա «Յայրիկի սենյակն» էր գոց, որ տասնյակ տարիներով կը մնար այնպէս, ինչպէս թողած էր Վարազայ արծիւը: «Աւտըր» երկար մահճի մը ծելով, սեղանը, որուն վրա Յայրիկի ծխամորճերը, համրիչը եւ չորցած մելանի ամանը ժանգոտ գրիչին հետ թափթփված էին: Պարոն Պետրոսը չէր համարձակել ներս մտնալ եւ եղծել հատակի փոշին: Տարին անգամ մը, Յայրիկի տարեդարձին, կը բանար դուռը, կը կանգնէր, տխուր ու ամիսս պաշտամունքով սենյակի սեմին եւ կարծես տաճարի մը մէջ՝ երկյուղած աղոթք մը շրթունքին անշարժ:

Պարոն Պետրոսը ոչ մէկ կուսակցութեան կը պատկանէր. բոլոր կուսակցութիւնները իրեն կը պատկանէին՝ հարազատներ էին:

Վանքին դուռները կրունկի վրա բաց էին հեղափոխականներու համար:

Կառավարությունը խիստ կասկածանքով կը նայէր լեռան մէջ պահված այդ վանքին: Փորձած էր մի քանի զինվորներ պահել այնտեղ, բայց հրաժարած էր այդ մտքէ՝ անախտ զատահարներ խուսափելու համար...

Յեղափոխական մեր խումբերը շատ հաճախ անոր հովիտների մէջ զինավարժության եւ հրաձգութեան փորձեր կը կատարէին, կամ կը թափառէին

ՎԱՐԱԳԱ «ՊԱՐՈՆ ՊԵՏՐՈՍԸ»

«Ապարանջան» աղբյուրին, «Ծակ քարին» ժայռերու մէջ: Իսկ հաճախ էլ օրերով կը մնային վերին Վարագի ավերակներուն մէջ, կամ Ձառմապատի Ս. Գրիգորի վանքը ու ծովահայաց «Ձիաթնուկ» լեռան գագաթին վրա, բայց վանք չէին մտնիր...

Վարագայ Պարոն Պետրոսը անպայման պիտի գիտնար մեր այն կողմերը ըլլալը: Իր «թագավորութեան» սահմաններն էին: Այդ պարագային վանքի փռապան մեր երկու գաղտնի ընկերներու հետ ժամանակին կը դրկէր մեր ուտելիքը: Ծրարված պաշարի մէջ Պարոն Պետրոսի խնամքի եւ գուրգուրանքի հետքերը կը տեսնէինք:

Երբեմն ալ, մանավանդ ծնեռ ատեն, վանքէն վար, բավական հեռու ծորի մէջ կիջնէինք վանքին գոմէրը, ուր ախոռին կից, «սաքիվ»-ի ճակատի պոխերին կը տաքցներ մեր սառած մարմինը, կը չորցներ մեր հագուստները:

Օր մը միայն վտանգվեցա՞վ վանքը: Մեր խումբերն մեկը 1907-ի ամառը լեռ էր ելած ռազմափորձերու: Յավանաբար մատնիչի մը ցուցմունքով զիջերը զորքը հեռվէն պաշարած էր վերին Վարագայ ավերակները եւ օդակը սեղմած: Մեր պահակը շատ ուշ նկատած էր: Արշալույսը բացված ատեն մերինները նոր կը տեսնէն պաշարող զորքը: Խմբապետ Յարությունը կը կարգադրէ քարէ կիսափուլ պատերի ետեւ թաքնվիլ եւ սպասել իր հրամանին:

Ձորքը Շյուքրի պէյ անունով սպայի առաջնորդությամբ, հավանաբար, դեռ ոչ բոլորովին վստահ, հուշիկ ու գաղտնապահ վեր կը տողա եւ կը մոտենա պատերուն: Այդ ատեն մերինները համազարկ կուտան ու կը սպաննեն քանի մը թուրք: Մնացեալները ահաբեկված ինքզինքը վար կը նետեն քարերէն: Անաջին գոհը իրենց ղեկավար սպան էր՝ Շյուքրին, որ ճակատէն գնդակ մը ստանալով՝ կիմնալ պատին տակ:

Շուշանցի հայտնի նշանաձիգ մըն էր զարնողը: Ժողովուրդը անոր գովքը երգէր:

Ահա երեք տող այդ երգից.
«Շյուքրին ելավ ահա վեր պատին,
Նշան ի գար կո մէջ ճակտին,
Լէլէլէ Զայաստան...»:

Բայց սուղի նստավ մեզ այդ դեպքը: Յալածանք եւ բանտարկություններ լեռան ստորոտը գտնվող Կողպանց գյուղացիներու: Խուզարկվեցա՞վ Վարագը, ձերբակալվեցա՞վ Պարոն Պետրոսը՝ մեր փռապաններու հետ:

Բանտին մէջ նեղած էին խեղճ ծերունին՝ իրենց նպաստավոր ցուցմունքներ ստանալու հույսով: Պարոն Պետրոսը ժպիտը իր դեմքին անվրդով կերած էր իր ծծեր:

Դահիճ սպան հուսահատ պոռացեր էր երեսին.

«Խընգըր, բան մը ըսէ գոնէ, խոսէ, լե-

զուդ արմատեն կը քաշեմ, քեռաթա...

«Այդ ավելի գէշ, հեզամա՞ծ էր Պարոն Պետրոսը, այն ատեն բոլորովին չափի կրնամ խոսիլ...»

Ժամտարմեական սպան կոշիկի կրունկով խփած էր գլխուն, մեջքին: Միշտ անայլալ մոլեռանդ սուրբի մը պես դիմացած էր:

«Խոսէ, անգգամ, կը դրկեմ, քանդել կուտամ վանքը, սպառնացած էր սպան, քեաֆիր էտէպըզ, ֆետայիներ կը պահես, կերակուր կուտաս, հա՛...»

Այդ ատեն խոսած էր Պարոն Պետրոսը մարգարեական գուշակի մը պես, աչքերն քոցեր արծակելով.

«Չես համարձակիր քանդել այդ սրբավայրը, էֆենտի. ձեռքերդ կը չորնան, աչքերդ կը քոռնան եւ զավակներդ կը մեռնին. Ըզգույշ, չընես այդ...»

Սպան սարսափեր էր խորհրդավոր շշուկով արտասանած խոսքերէն:

Երկար պահեցին բանտին մէջ: Կորսնցուցած էին բան մը հասկնալու հույսը:

Եվ օր մը, հեզամախառն ժպիտը դեմքին, կարծես տունէն կուգար: Եկավ մեզի այցի: Ոչինչ չուզեց պատմել բանտէն: Իսկ երբ մենք իր տառապանքի մասին ակնարկներ ըրինք, պատասխանեց.

«Ես ալ կուգեի անձովս ապրիլ այդ տառապանքը, երջանիկ եմ այժմ, որ ինձի ես վիճակվեցա՞վ կրել մեր ժողովուրդի ցավէն մաս մը...»

1915-ին Վասպուրականի հայությունը հալածված թողեց երկիրը:

Վերջին անգամ Պարոն Պետրոսը համբուրեց արծաթաբայ վանքը, մեծ դարպասին դուռները եւ ցավագին հարկադրանքով մը բռնեց տարագրության ճամբան:

Բայց կամավորներուն հետ նա կրկին վերադարձավ հոն 1916-ին, երբ բարբարոս հորդանները քարը քարի վրա չէին թողած: Միմակն էր. կրքոտ քայլերով մոտեցավ, ծունկի եկավ լալով, անցավ ավերակներու մեջէն ու երկար-երկար մնաց հոն անշարժ ու սգալիկ...

Նորեն նահանջի ահազանգը տրվեցավ, այս անգամ անվերադարձ: Պարոն Պետրոսը զգաց, որ այլեւս կորավ իր կյանքի նպատակը, իր էութեան իմաստը:

Տարագիր բոլոր դժբախտները ցրված էին աշխարհի հովիտներ: Պարոն Պետրոսն ալ քշվեցավ եգիպտոս՝ անհյուրընկալ ու արող ավազներուն մէջ: Մաշված հոգի մը դարձավ, սպառնած, մարող կերպ մը...

Ու օրէն մեկը, ամայի ծովեզերքէ մը ինքզինքը ծովը նետեց ու կորավ ալիքներու մէջ...

Այսպէս ան ուզեց սպաննել իր անհուն վիշտը...

**ԿՈՄՍ /Վահան Փափագյան/
«ԽՈՆԱՐԴ ՅԵՐՈՍՆԵՐ»**

ՀՈՎՀԱՆՆԵՍԱՊԱՏՈՒՄ

Երբ Յովհաննէսը բոլորել էր կյանքի ութուն տարին, դեռեւս առույճ էր ու կենսախիւնը, չէր ուզում բաժանվել հարազատ կուէկտիվից, որտեղ անընդմեջ աշխատել էր 51 տարի նույն, անփոփոխ գրասեղանի վրա, չէր ուզում հաշտվել առաջացած տարիքի հետ: Լուրջ թէ կատակ՝ սիրում էր կրկնել, որ ինքը ոչ թէ ութուն, այլ երկու քառասուն /երկուսը՝ ցածրաձայն, որ չլսվի՝ տարեկան էր, ու հիշում էր Յ. Շիրազի «Ինձ ելնելու դարեր կան դեռ...»: տողերը:

Երախտագիտությամբ էր հիշում իր բոլոր կառավարիչներին՝ Պետրոս Պետրոսյան, Վեկդար Աբգարյան, Յոյակ Խաչատրյան, Ռազմիկ Պետրոսյան, Էդիկ Նալբանդյան, Լազր Գալստյան եւ ուրիշներ, որոնք բոլորն էլ հարգել ու մեծարել են իրեն:

Յիմնարկի տարեկան հաշվետվությունը վերադասին հանձնելու առիթով Յովհաննէսը Երեւանում է լինում երեք օր, բայց ժամանակ չի գտնում սափրվելու: Չորրորդ օրը Նալբանդյան փողոցում, անթրաշ, հոգնած տեսքով հանդիպում է կնոջ եղբոր որդուն՝ Թաթոյան Սուրիկին: Վերջինս, որ բնակվում էր Երեւանում, հարցնում է.

«Աղաջան, ինչու ես անթրաշ ու տխուր:
«Սուրիկ ջան, էլ ինչ ես հարցնում, Մարգարիտ հորքուրդ մահացավ, բա ոնց սափրվեմ, ոնց տխուր չլինեմ:

«Վա՛յ, քոռանամ ես, հազար ափսոս, յոթը ե՞րբ է լինելու, հարցնում է Սուրիկը:

«Յոթն էլ է եղել, -կատակը շարունակում Յովհաննէսը:

- Բա ո՞նց անենք, ինչպե՞ս մխիթարեն:

«Մտքովդ անցնում է, արի՛, մտնենք ես դիմացի ռեստորան, դու թո խոսքը կասես, -առաջարկում է Յովհաննէսը:

Մտնում են, քեֆները լավացնում:

Սուրիկը չի կարողանում թաքցնել հուզմունքը.

«Շատ եմ ափսոսում, հորքուրս նեղ տարիներին մեզ շատ է օգնել, սովից փրկել է, - լացակունած ասում է նա:

Տեսնելով Սուրիկի վիճակը՝ Յովհաննէսը վրա է բերում.

«Բա որ հիմա հորքուրիդ կենդանի տեսնես, ինչքա՞ն կուրախանաս:

«Ա՛խ, երեմի չէ՞ր:

«Դէ արիացիր, Սուրիկ ջան, Մարգարիտը ողջ է, ես թո հոգին էի փորձելում:

Ու նրանք միասին շարունակում են արդեն ուրախության բաժակներ բարձրացնել:

Յովհաննէսը շատ էր սիրում գյուղի մեխանիզատորներին, նրանց հետ բաժակ բարձրացնում:

Մի անգամ տրակտորիստ Գուրգեն Ձուռնաշյանից վերցնում է նրա անձնագրի նկարը, սեւ ժապավենի հետ միասին փակցնում կոստյումին եւ շրջագայում Մարտունի քաղաքում:

Յարցնողներին ասում էր, թէ Գուրգենը իր բարեկամն է, անժամանակ մահացել է եւ տխուր կեցվածք էր ընդունում: Շատերը մխիթարելու համար հրավիրում էին օդու եւ հացի սեղանի շուրջ:

Հավաքեց Դարվին Յովհաննիսյանը

Լրատվական գործունեությունը իրականացնող «Գեղարքունիք» թերթի խմբագրություն» ՓԲԸ: Հասցեն՝ ք. Գավառ, Կենտրոնական հրապարակ 7 էլ.հասցե՝ khosrov1@yandex.ru Գլխավոր խմբագիր՝ Խոսրով Խալաթյան հեռ. բջջ. 094022692

Վկայական՝ 02 Ա 050560: Գրանցման համարը՝ 25.120.00834: Տրված 07.05.2001թ.: Տպաքանակը՝ 1000: Ծավալը՝ 2 մամուլ: Թողարկման օրը՝ 25. 06. 2025 թ.: Տպագրվում է «Մամարկ» ՍՊԸ տպարանում: «Գեղամա աշխարհ» թերթի բոլոր համարներին կարող եք ծանոթանալ <https://tert.nla.am> կայքում:

